


續後漢書

附義例  
音義

四







書 漢 後 續

義音 例義附

(四)

撰 常 蕭

編主五雲王

編初成集書叢

書 漢 後 續

義音例義附

冊 四

中華民國二十五年六月初版

撰 者 蕭 常

發 行 人 王 雲 五  
上海河南路

印 刷 所 商 務 印 書 館  
上海河南路

發 行 所 商 務 印 書 館  
上海及各埠

章



# 續後漢書卷第三十六

## 魏載記第三

荀彧

荀彧字文若。潁川潁陰人。祖淑。朗陵令。父緄。濟南相。時宦寺用事。中常侍唐衡者。尤桀黠。欲以女妻汝南傅公明。公明恥之不娶。因以妻彧。永漢元年。舉孝廉。爲守宮令。董卓之亂。求出補吏。除亢父令。棄官去。冀州牧同郡韓馥。遣將迎之。彧至。而袁紹已奪馥冀州。待彧以上賓之禮。初平二年。彧辭紹。從曹操于東郡。操與語大悅。曰。吾子房也。以爲奮武司馬。興平初。擊陶謙。使守鄆城。任以留事。會張邈。陳宮。以兖州歸呂布。諸城皆應之。彧勒兵設備。故能自保。又與程昱謀。使說范。東阿。卒全三城。以待操。陶謙死。操欲取徐州。還乃定布。彧諫曰。昔高祖保關中。光武據河內。皆深固根本。以制天下。進可以勝敵。退可以堅守。故雖有困敗。而終濟大業。將軍本以兖州首事。故能平定山東。此實天下之要地。而將軍之關河也。若不先定之。則根本將何寄乎。宜急討陳宮。使不得西顧。約食蓄穀。一舉而布可破也。破布然後討袁術。以臨淮泗。今舍布而東。民心益危。雖鄆城。范。衛。可全。其餘非己之有。若攻徐州不克。將軍其安歸乎。操乃止。大收麥。復與布戰。布敗走。兖州平。建安元年。獻帝自河東還洛陽。或以韓暹。楊奉。新將天子到洛。未可卒制。彧勸操曰。昔高祖東伐。爲義帝縞素。而天下歸心。今車駕旋軫。義士有存本之思。百姓感舊而增哀誠。因此時奉

主上以從民望。大順也。乘至公以服雄杰。大略也。扶宏義以致英俊。大德也。四方雖有逆節。其何能爲。韓暹、楊奉安足恤哉。若不時定。使豪杰生心。後雖欲爲無及矣。操從之。及帝都許。操爲車騎將軍。彧爲漢侍中。守尙書令。操每攻戰在外。凡軍國事。皆與彧籌焉。又進荀攸、鍾繇、郭嘉等爲操謀臣。袁紹旣并河朔。有驕氣。而操敗于張繡。紹與操書。其辭不假借。操謂彧曰。今欲討不服。而力不敵。何如。彧曰。今與公爭天下者。維袁紹耳。紹外寬內忌。公明達不拘。此度勝也。紹遲重少決。失在後機。公能斷大事。應變無方。此謀勝也。紹御軍法令不立。雖衆難用。公法令旣明。士卒致死。此武勝也。紹飾知以收名譽。公推誠不爲虛美。此德勝也。夫以四勝輔天子。扶義征伐。誰敢不從。紹雖強。其何能爲。操說乃說操先取呂布。而後攻紹。操從之。三年遂擒布。定徐州。五年紹帥衆攻操。操與相拒。紹兵勢甚盛。彧曰。紹兵雖多而不整。田豐剛而犯上。許攸貪而不治。審配專而無謀。逢紀果而自用。顏良、文醜匹夫之勇。可一戰而擒也。後皆如其策。操保官渡。紹圍之。操軍餉不繼。書與彧議還許。彧報曰。今軍食雖少。未若楚漢在滎陽。成臯間也。是時劉、項莫肯先退者。以爲先退則先屈。公盍其喉已半歲矣。情見勢竭。必將有變。此用奇之時。不可失也。操從之。以奇兵襲破紹。操欲南擊劉表。彧曰。今紹敗。其衆離心。不因而定之。而遠兵江漢。若紹收其餘燼。乘虛以出。則公之事去矣。操乃止。八年封萬歲亭侯。九年操拔鄴。自領冀州牧。或說操宜復置九州。冀部所統旣廣。天下服矣。操將從之。彧曰。若是則冀州當得河東、馮翊、扶風、西河、幽、并之地。所奪者衆。人心易動。一日生變。天下未易圖也。願公先定河北。然後脩復舊京。南臨荊州。責王貢之不入。天下咸知公意。人人自安。天下

大定。乃議古制。操從其言。十二年。操將攻劉表。問計于彧。曰。今兩河旣平。荆漢知亡矣。可聲出宛葉。而間行輕進。以掩其不意。操遂行。會表死。遂取荊州。十七年。董昭建議。欲進操國公。九錫備物。密以訪彧。彧曰。曹公本興義兵。以董正漢朝。雖勳庸榮著。猶秉忠貞之節。君子愛人以德。不宜如此。操由是不悅。會攻孫權。表彧勞軍于譙。因畱彧。以侍中參丞相軍事。操軍向須濡。彧病畱壽春。操饋之食。發視乃空器。于是飲藥而死。年五十。初。董承等受帝密旨。誅操事泄。操殺承等。伏后與父完書。言操殘逼之狀。帝方爲承等報怨。完以示彧。彧惡之。隱而不言。完妻弟樊普。封以示操。彧忍事覺。因勸操以女配帝。操曰。伏后在。吾女何得配上。彧曰。伏后往嘗與父書。惡言及公。可因此廢。操曰。卿昔何不言。彧佯驚曰。已嘗爲公言之。操曰。此豈小事。而吾忘之耶。以此憾之。而外示優容。及董昭九錫之議。彧意不同。積前憤殺之。然弑后之謀。實自彧發。

### 董昭

董昭字公仁。濟陰定陶人。袁紹以爲魏郡太守。背紹歸張楊。楊以爲騎都尉。復彌縫楊奉等。使共迎曹操。操爲鎮東將軍。昭爲符節令。又爲操畫策。挾天子以令諸侯。且使請車駕幸許。累遷魏郡太守。操定鄴。除諫議大夫。從操征烏丸。操患糧餉不繼。乃建議鑿平虜。泉州二渠。以通海運。操表封千秋亭侯。轉司空。祭酒。日夜爲操謀。所以代漢。曹丕篡漢。遷大鴻臚。轉侍中。封都鄉侯。遷太僕。曹叡初。進封樂平。遷衛尉。拜司徒卒。年八十一。

華歆

華歆字子魚。平原高唐人。舉孝廉爲郎。以病去官。何進輔政。召爲尙書郎。董卓遷帝長安。歆求爲下邳令。不許。遂抵南陽。從袁術于穰。會太傅馬日磾。安集關東。辟爲掾。詔拜豫章太守。爲政不煩。孫策略地江東。遣太史慈招撫劉繇餘衆。因使察歆所爲。慈語策曰。子魚非籌略士。無他方規。自守而已。無能爲也。又丹陽僮芝據廬陵。鄱陽民帥別立宗部。不受子魚所遣長吏。言我已別立郡。須漢遣真太守來。當迎之耳。子魚不惟不能諧附廬陵。鄱陽。近自海昏。有上繚壁五六千家。相結作宗伍。調遣一人。亦不可得。惟坐視之。策遂有并兼之志。及策兵次椒丘。歆迎降。曹操在官渡。表天子徵歆。權不卽遣。歆請曰。將軍始奉王命。今匪僕。是養無用之物。非良計也。權乃遣之。旣至。拜議郎。參軍事。入爲尙書。代荀彧爲尙書令。先是伏后與父完書。言操殘逼之狀。至十九年。操始知。偁帝廢后。帝不許。操遣歆與御史大夫邲慮。勒兵入宮。收后。后閉戶匿壁中。歆壞戶發壁。手牽后出。后被髮徒跣。執帝手曰。不能復相活耶。帝曰。吾亦不知命在何時。顧謂邲慮。邲公。天下寧有是事邪。遂弑后。并弑二皇子。丕爲魏王。以歆爲相國。及篡漢。改司徒。封安樂鄉侯。曹叡初。進封博平。轉太尉。建興九年卒。

邲慮

邲慮字鳴豫。山陽高平人。荀彧薦之於操。操以爲御史大夫。操常疾孔融。有時譽。慮希操旨。奏免融官。復誣以非而族之。其陰險禍賊類如此。

贊曰。唐人杜牧稱彧勸操取兗州。則比之高光。官渡之役。則比之楚漢。及事已就。乃欲要名于漢氏。譬之教盜穴牆發篋。而不與同挈。不謂之盜可乎。世皆以牧之言爲確論。而范曄謂彧有殺身成仁之義。近世司馬光亦以其功過管仲。且以仁許之。曄不足道也。而光亦爲之。雖然。彧之罪終不以二人之言而少掩。夫人苟犯天下大義。雖顏孟爲之辭。世且不直之。況曄輩乎。華歆。郗慮。以名德自居。梟獍其行。前史無一言譏其非者。吁。可怪哉。

### 荀攸

荀攸字公達。彧從子也。何進秉政。召海內名士。攸至。拜黃門侍郎。董卓之亂。攸與議郎鄭泰。何容。侍中种輯。越騎校尉伍瓊等。謀殺卓。事垂就。而卓覺。以容。攸。繫獄。容自殺。攸言語飲食自若。會卓死得免。曹操以天子都許。召爲尙書。與語大悅。謂荀彧。鍾繇曰。公達非常人也。吾得與之計事。天下何憂哉。以爲軍師。建安三年。從操攻張繡。攸曰。繡與劉表相恃爲強。然繡以游軍仰食于表。表不能供也。勢必離。不如緩以待之。可誘而致也。若急之。其勢必相救援。不從。表果救之。軍敗于穰。操曰。不用君言至此。操攻呂布于下邳。布固守。操軍欲還。攸與郭嘉說曰。布勇而無謀。三戰皆北。其銳氣衰矣。三軍以將爲主。衰則軍無奮意。陳宮有智而遲。今及布氣之未復。宮之計未定。急攻之。可拔也。乃引沂。泗。灌城。城潰。禽布。袁紹遣郭圖等。攻東郡太守劉延于白馬。紹引至黎陽。操救延。循河而西。紹渡河追操。至延津。操與紹將文醜戰。敗之。皆攸計也。操與紹相持官渡。攸謂操曰。紹運車且至。其將韓。莫。銳而輕敵。擊可破也。操問誰可使者。攸曰。徐晃。

乃遣晃及史渙要擊破之。會紹許攸叛紹來奔。言紹遣淳于瓊等將兵迎運糧。可擊而取。衆皆疑。惟攸與賈詡贊其計。操自往破之。斬瓊等。紹以故敗。操欲攻劉表。而紹子譚尙爭冀州。譚遣辛毘求救。操將許之。其屬皆以表爲強。宜先表而後譚。攸曰。天下方有事。而劉表坐保江漢之間。其無四方之志可知矣。袁氏據四州之地。帶甲十萬。今兄弟交惡。勢不兩全。若有所并。則力專。力專則難圖。及其亂而取之。天下定矣。此時不可失也。操乃許譚和。遂破尙。其後復斬譚於南皮。冀州平。操表封陵樹亭侯。轉中軍師。操稱魏王。爲尙書令。操每稱之曰。公達外愚內知。外怯內勇。外弱內強。不伐善。無施勞。知可及。愚不可及。雖顏子甯武不能過也。與鍾繇善。繇言。我每有所行。反復思之。自謂無以易。以咨公達。輒復過人意。從攻孫權。道病卒。

賈詡

賈詡字文和。武威姑臧人。董卓入洛陽。詡以太尉掾。遷討虜校尉。卓婿牛輔屯陝。詡在輔軍。卓敗。輔亦死。其黨李傕、郭汜等散兵間行歸鄉里。詡曰。聞長安中欲盡誅涼州人。而諸君棄衆單行。卽一亭長能束君矣。不如率衆西向長安。爲董公報仇。衆以爲然。傕等旣陷長安。殺王允等。乘輿蒙塵。公卿戮辱。民庶死者十八九。而曹操等階之竊國。皆自詡一言始。時論其惡。又甚于卓。詡爲左馮翊。傕等欲侯之。詡曰。此救命之計。何功之有。固辭。又以爲尙書僕射。翊曰。僕射官之師長。翊名不素重。非所以服人也。縱詡昧于榮利。奈國朝何。傕復以詡爲宣義將軍。傕旣敗。復從張繡。爲繡畫計。歸曹操。操以爲執金吾。封都亭侯。參司空。

軍事建安十三年。操既得荊州。欲順流攻吳。詡曰。明公威名遠著。若乘舊楚之饒。撫百姓。使安土樂業。江東可不勞衆而服。操不從。軍大敗。時子丕爲五官將。而操屬意于中子植。嘗屏人問詡。詡不對。操曰。與卿言而不答。何也。曰。有所思耳。操曰。何思。曰。思袁本初。劉景升父子也。操笑曰。止。丕篡漢。卽拜太尉。封魏壽鄉侯。孫權聞而笑曰。魏雖乏人。何至用是人。年七十七卒。許攸者。字子遠。旣叛紹歸操。與詡及荀攸等。皆爲操謀臣。然恃功驕慢。嘗于廣坐呼操小字曰。阿瞞。汝非我那得冀州。操曰。汝言是也。然內不樂。竟陰使人殺之。又有國淵者。樂安人。字子尼。挾數任術。操辟爲司空掾。累遷魏郡太守。時有投謗書。操憤之。必欲得其主名。淵請畱其本書。而不宣露。其書多引二京賦。淵刺功曹。得三人。臨遣訓以所學。未及二京賦。曰。此博物之書也。世人忽略。少有其師。可求能讀者。從受之。又密諭旨。旬日得能讀者。遂往受業。吏因請作箋。比方其書。與所投者正同。攝問具服。其譎險類此。

### 程昱

程昱字仲德。東郡東阿人。長八尺三寸。美鬚髯。曹操至兗州。與語悅之。以爲壽張令。操攻徐州。使與荀彧畱守鄆城。張邈等迎呂布。郡縣響應。惟鄆城。范東阿不動。布軍降者。言陳宮欲自將兵取東阿。又使汎崑取范。吏民皆恐。或謂昱。今兗州唯有此三城。宮等以重兵臨之。非有以深結其心。三城必動。君民之望。歸而說之。昱乃過范。說其令。靳允曰。聞呂布執君之母弟妻子。孝子誠不可爲心。今天下大亂。豪杰竝起。必有命世。能息天下之亂者。此知者所詳擇也。呂布麤中少親。剛而無禮。匹夫之雄耳。宮等以勢假合。不能



相君也。兵雖衆必無成。曹使君知略不世出。君若固范。我守東阿。則田單之功可立也。允曰。不敢有二。時汎嶷已在縣。允卽伏兵殺之。歸勒兵守。昱又別遣騎絕倉亭津。宮至不得渡。東阿令棗祗亦帥吏民堅守。卒完三城以待。操還執其手曰。微子吾無歸路矣。乃表爲東平相。屯范。時操與布戰于濮陽。數不利。又蝗蟲起。乃各引去。操欲與紹連和。紹欲使操遣家居鄴。操新失兗州軍食。且盡將許之。昱適還曰。昱聞將軍欲遣家與袁紹連和。有之乎。願將軍更慮之。操乃止。天子都許。以昱爲尙書令。操攻荊州。昭烈如吳。論者以孫權必害昭烈。昱曰。劉玄德有英名。關羽張飛皆萬人敵。權必資之以禦我。難解勢分。不可得殺也。權果多與昭烈兵以禦操。其後中夏漸平。操撫昱背曰。兗州之敗。不用君言。吾何以至此。宗人奉牛酒大會。昱曰。知足不辱。吾可退矣。乃闔門不出。操稱魏王。以爲衛尉。與中尉邢貞爭威儀。免。子丕篡漢。復爲衛尉。封安鄉侯。方欲以爲公會卒。時年八十。初操乏食。昱略其本縣。供三日糧。雜以人脯。由是大失素譽。

郭嘉

郭嘉字奉孝。潁川陽翟人。荀彧薦之于操。操與論天下事曰。使孤成大業者。必此人也。表爲司空軍祭酒。與昱齊名。攻呂布。三戰破之。布退固守。時士卒敝疲。操欲引還。嘉說操急攻之。遂擒布。比操破袁譚。尙皆其計也。封洧陽亭侯。又說操攻袁熙。及三郡烏丸。皆大破之。斬蹋頓名王以下。尙及兄熙。走遼東。死。嘉有算略。達于事情。操常曰。惟奉孝爲能知孤意。還自柳城卒。時年三十八。後操攻荊州。還巴丘。旣大敗。而軍疾疫。歎曰。奉孝在。不使孤至此。

劉曄

劉曄字子揚。淮南成德人。光武子。阜陵王延之後也。許劭名知人。嘗稱其佐世之才。曹操辟爲司空倉曹掾。操攻張魯。至漢中山峻難登。軍食頗乏。卽日引歸。令曄督諸軍。使以次出。曄策魯可克。馳白操。不如進攻。操從之。魯走。漢中遂平。曄進曰。明公今舉漢中。蜀人望風破膽。可傳檄而定。劉玄德人杰。有度而思遲。得蜀日淺。蜀人未附。以公之明。因而攻之。無不克也。若小緩之。諸葛亮明于治國。而爲相。關羽、張飛、勇冠三軍。而爲將。人心旣定。據險守固。則不可犯矣。今不取。後必爲患。操不從。居七日。益州降者。言蜀中一日數十驚。守將雖斬之。不能安也。操問曄曰。今可擊否。曰。今已小定。未可也。乃還。建安末。昭烈宜都太守孟達來奔。達容止可觀。丕器之。以爲新城太守。曄以達有苟得之志。而恃才任術。必不能感恩懷義。新城與吳漢接壤。必爲國患。後果謀歸漢。章武二年。爲侍中。曹叡初。封東亭侯。遷大鴻臚。卒。子陶善縱橫。有才而薄于行。官至平原太守。

蔣濟

蔣濟字子通。楚國平阿人。爲州別駕。嘗以公事至譙。操謂曰。昔孤與袁本初對官渡。徙燕白馬。民不得走。賊亦不得鈔。今欲徙淮南民。何如。濟曰。是時兵弱敵強。不徙必失之。今百姓樂土。實不願徙。懼必不安。操不從。而江淮十餘萬衆。皆驚走。吳後濟使鄴。操迎笑曰。本使避賊。乃更驅盡之。拜丹陽太守。操攻孫權還。以溫恢爲揚州刺史。濟爲別駕。辟丞相主簿。關羽圍樊。襄陽操以獻帝在許。近敵。欲徙都洛。與司馬懿

說曰。關羽得志。孫權必不願也。可使人勸權躡其後。許割江南以封之。則樊圍自解。操如其言。權因襲殺羽。子不篡漢。爲東中郎將。上萬幾論。不善之。入爲散騎常侍。與曹仁南侵。仁欲攻濡須洲。濟曰。敵居西岸。列船上流。而兵入洲。是爲內地獄。危亡之道也。仁不從。果敗。仁卒。復爲東中郎將。代領其衆。召爲尙書。不欲至廣陵。濟表水道難通。又上三洲論以諷。不從。戰船數千。皆滯不得行。議者欲畱兵屯田。濟以爲東近湖北臨淮。若水盛時。敵易爲寇。不可安屯。不從之。不還到精湖水稍盡。畱船付濟。濟更鑿地作四五道。蹴船令聚。預作土豚。遏斷湖水。皆引後船。一時湖水開。遏入淮中。不謂濟曰。事不可曉。吾前決謂分半燒船于山陽池中。卿于後致之。略與吾俱。至譙。又每有所陳。實合吾意。自今討伐計畫。善思論之。曹叡初遷中護軍。加散騎常侍。曹芳嗣僞位。爲領軍將軍。封昌陵亭侯。遷太尉。初侍中高堂隆。以魏爲舜後。濟以爲舜本姓媯。其苗曰田。非曹氏之先。著文以詰難。曹爽之在伊南也。濟與書言司馬懿之意。不過免官而已。旣而懿夷爽族。進封都鄉侯。辭不許。常恨其言之失。發病卒。

贊曰。董卓國之賊。天下所共仇。而詡爲之報。東京之亡。禍根于此。及辭李傕尙書之命。則以朝廷爲解。是欲以虛辭蓋實惡。將誰欺耶。昱脯人肉。以啖操軍。此盜賊所不忍爲者。曄傾心曹氏。而忘其宗國。其昭歆之徒與。

# 續後漢書卷第二十七

## 魏載記第四

鍾繇

鍾繇字元常。潁川長社人。舉孝廉爲尙書郎。累遷黃門侍郎。獻帝在西京。李傕、郭汜亂長安。關東隔絕。操領兗州。遣使上書天子。傕、汜欲拒絕之。繇說傕、汜納其使。由是操使命得通。荀彧旣數稱其才。聞其說。傕、汜操益虛心。天子得出長安。繇與尙書郎韓斌有力焉。後遷尙書僕射。封東武亭侯。是時關中諸將馬騰、韓遂各擁強兵。操方有事山東。以關中爲憂。乃表繇以侍中守司隸校尉。持節督關中諸軍。委以便宜。不拘常法。繇至。移書騰、遂等。爲陳禍福。騰、遂各遣子入侍。操在官渡。繇送馬二千匹給軍。操與書曰。關右平定。朝廷無西顧憂。公之勳也。昔蕭何鎮守關中。足食成軍。亦適當耳。其後匈奴攻平陽。繇帥諸軍圍之。未拔。而袁尙所置河東太守郭援以衆至。銳甚。諸將議欲釋之去。繇曰。援之來。關中陰與之通。若棄而示弱。所在之民。誰非軍讐。縱吾欲歸。其得至乎。此爲未戰先自敗也。且援好勝。必易吾軍。若渡汾爲營。及其未至。擊之。可大克也。後果輕渡。未半。急擊。大破之。斬援。降單于。自天子西遷洛陽。人民單盡。繇徙關中民。又招亡叛以充之。數年。戶口稍實。操攻關中。得以爲資。操爲魏王。以爲大理。遷相國。子丕篡漢。遷太尉。封爲平陽鄉侯。曹叡初。進封定陵。遷太傅。初。操時議死刑。可宮割者。繇請復肉刑。議者以爲非。遂已。至丕欲復。

肉刑。以有軍事復寢。至是。繇上疏。請如孝景之令。其當棄市。欲斬右趾者。許之。其黥、劓、宮、刑、左趾者。自如孝文。易以髡笞。人年二十至四五十。雖斬其足。猶任生育。今天下人少于孝文之世。計其所全。歲三千人。張蒼除肉刑。所殺歲以萬數。臣欲復肉刑。歲生三千人。王朗議。以爲繇欲輕減大辟之條。以增益別刑之數。此卽起偃爲豎。化死爲生。然臣以爲五刑之屬。著在科律。自有減死一等之法。不死卽爲減。施行已久。不待遠假斧鑿。於彼肉刑。前世仁者。不忍肉刑之慘酷。是以廢而不用。今復行之。恐非所以宣洪化也。今欲按繇所欲。輕之死刑。使減死之。髡刑嫌其輕者。可倍其居作之歲數。內有以生易死。不貲之恩。外無以別易笞駭耳之聲。議者多與朗同。遂寢。尋卒。子毓嗣。毓字稚叔。機捷談笑有父風。累遷黃門侍郎。時大興宮室。民疲於役。毓諫。以爲水旱可俟豐年。又言宜復關內。開荒地。使民肆力於農。事遂施行。曹爽舉衆寇漢中。王師禦之。不得進。毓以書諭止。遂失爽意。出爲魏郡太守。爽死。入爲廷尉。建議。君父已沒。臣子得爲理謗。及士爲侯。其妻不得復配嫁。後爲青州刺史。加後將軍。遷徐州卒。弟會字士季。敏慧夙成。及壯。有才藝。而博學精練。名理由是知名。爲中書侍郎。曹髦初。司馬師攻毌丘儉。會典知機密。司馬昭輔政。爲黃門侍郎。封東武亭侯。遷司隸校尉。雖在外司。時政損益。無不兼綜。然恃權害物。嵇康等小小嫌隙。皆致之死。凡昭所以傾曹氏。會謀爲多。炎興元年。昭使率衆與鄧艾犯漢。漢亡。會誣殺艾。尋以謀反誅。會嘗論易無互體。著書二十篇。名曰道論。實刑名家也。有嚴幹者。善春秋公羊。而繇好左氏。謂左氏爲太官。謂公羊爲賣餅家。數與幹辨析長短。繇機捷善持論。而幹呐口。或緇而無以應。繇謂幹曰。公羊竟爲左氏服矣。幹曰。

直故吏爲明使君服耳。公羊高未肯也。

### 陳羣

陳羣字長文。潁川許昌人。祖寔。父紀。叔謏。皆有盛名。爲兒時。寔常奇之曰。此兒必興吾宗。昭烈臨豫州。辟爲別駕。時陶謙死。徐州迎昭烈。昭烈欲往。羣說曰。袁術尙強。今必與之爭。呂布若襲將軍之後。將軍雖得徐州。事必無成。昭烈不從。遂東與袁術戰。布果襲下邳。遣兵助術。昭烈軍敗。恨不用陳羣言。舉茂才不行。曹操辟爲司空。西曹掾。薦廣陵陳矯。丹陽戴乾。操皆用之。除蕭贊令。後以司徒掾舉高第。爲治書侍御史。參丞相軍事。操稱魏王。遷御史中丞。操欲復肉刑。曰。安得通理達於古今者。使平斯事乎。昔陳鴻臚以爲死刑有可加于仁恩者。正謂此也。汝能申其父之說乎。羣曰。臣父紀以爲漢除肉刑。而增加笞。本與仁惻而死者更衆。所謂名輕而實重者也。名輕則易犯。實重則傷民。書曰。惟敬五刑。以成三德。易著剗。剗滅趾之法。所以弼政輔教。懲惡息殺也。若用古刑。使淫者下蠶室。盜者刖其足。則永無淫放穿窬之姦矣。夫三千之屬。雖未可悉復。若斯數者。時之所患。宜先施行。漢律所殺。殊死之罪。仁所不及也。其餘逮死者。可以刑殺。如此。則所刑之與所生。足以相質矣。以笞死之法。易不殺之刑。是重人肢體。而輕人軀命也。時鍾繇與羣議同。王朗及議者。以爲未可行。操善羣言。以有軍事故寢。轉侍中。領丞相東西曹掾。子丕待以交友之禮。嘗歎曰。自吾有回門人。以親代父爲相。封羣昌武亭侯。遷尙書。及篡漢。遷僕射。加侍中。徙尙書令。進封潁鄉侯。丕侵吳。以爲中領軍。還爲鎮軍大將軍。領中護軍。錄尙書事。丕病。羣與曹真。司馬懿等。受遺詔。

輔政。叡初進封潁陰。頃之爲司空。上疏宜崇德布化。惠恤羣庶。曹真請數道犯漢。從斜谷入。羣以爲昔攻張魯。多收豆麥。以益軍糧。魯未下而食猶乏。旣無所因。且斜谷阻險。難以進退。轉運必先鈔截。多畱兵守要。則損戰士。不可不熟慮也。叡從其議。真又請從子午道。羣又陳不便。并言軍事用度之計。叡以羣議下真。真不從。遂行。霖雨積日。羣又以爲宜召真還。從之時。盛夏營宮室。百姓失農時。羣上疏曰。禹承唐虞之盛。猶卑宮室而惡衣服。況今喪亂之後。人民絕少。比文景之世。不過一大郡。且邊境不寧。將士勞苦。若有水旱之患。國之深憂也。宜講武勸農。以待強敵。今舍此而先宮室。懼百姓遂困。將何以應敵。建興十四年卒。祖終太丘長。父大鴻臚。羣官至三公。而德望每不及先人。時以爲公慚卿。卿慚長。子泰字玄伯。仕至尙書右僕射。與司馬師及其弟昭皆友善。昭嘗問沛國武陔曰。玄伯何如其父。陔曰。通雅博暢。能以天下聲教爲己任。不如也。明達簡至。立功立事。則又過之。初羣以吏部不能審天下之士。于是制九品官人之法。令郡國各置中正。州置大中。皆取本土之人。任朝廷官。德充才盛者爲之。使銓次等級。以爲九品。有言行修著。則升之。道義虧闕。則降之。吏部憑之以補授百官。後行之寢久。中正或非其人。姦弊日滋。至晉劉毅始陳中正之設有八損。請除。武帝善其言。不能革。

陳矯

陳矯字季弼。廣陵東陽人。太守陳登請爲功曹。郡爲孫權所圍。登使求救於曹操。說操曰。鄙郡雖小。形便之國也。若蒙救援。使爲外藩。則吳人挫謀。未從之國。望風景附。崇德養威。此王業也。操奇矯欲畱之。矯辭。



曰。敝邑倒懸。奔走告急。縱無申胥之效。敢忘宏演之義乎。操乃遣兵救登。吳兵退。操辟爲司空掾。累遷魏郡西部都尉。曲周民父病。以牛禱。具奏并棄市。矯曰。此孝子也。上疏救之。遷魏郡太守。時繫囚千數。歷年不決者。矯至。悉覽文牘。一時論決。轉西曹屬。從操至漢中。還爲尙書。未至鄴。操死。乃與羣僚立子丕。使嗣相位。丕旣篡漢。轉吏部。封高陵亭侯。遷尙書令。曹叡初進東鄉。叡嘗卒至尙書門。矯曰。欲何之。叡曰。欲按行文書耳。矯曰。此臣職分。若臣不稱職。則請就黜。叡慙而退。叡嘗以社稷爲憂。問曰。司馬懿可謂社稷之臣乎。矯曰。朝廷之望。未可知也。加侍中光祿大夫。遷司徒卒。有徐宣者。字寶堅。亦矯同郡齊名。而所好不協。然俱器于太守陳登。操辟爲司空掾。從操至壽春。會馬超亂。操欲西伐。謂官屬曰。今當遠征。而北方未定。以爲後憂。宜得清公厚德。以鎮統之。乃以宣爲左護軍。留統諸軍。還爲東曹掾。子丕僭號。爲御史中丞。累遷司隸校尉。散騎常侍。曹叡初封爲津陽亭侯。左僕射。加侍中。光祿大夫。叡至許昌。使統留事。及還。主者奉承文書。叡曰。吾省與僕射何異。不視。上疏陳威刑太過。又諫作宮殿。窮盡民力。皆見嘉納。嘗曰。七十有懸車之義。今已六十八。可以去矣。乃固辭疾。不許。建興末卒。時又有衛臻者。字公振。陳留襄邑人。與矯等同事。曹丕不篡漢。封安國亭侯。羣臣多頌魏德。多抑損前朝。臻獨明禪授之義。稱揚漢美。丕數目臻曰。天下之珍。當與山陽共之。累遷司徒卒。

### 盧毓

盧毓字子家。涿郡人。父植有名當世。崔琰舉毓爲冀州主簿。方時草創。多逃遁。故重士亡法。罪及妻子。亡

士妻白等。始適夫家數日。不與夫相見。大理奏棄市。毓駁曰。夫女子之情。以接見而恩生。成夫婦而義重。故詩云。未見君子。我心傷悲。既見君子。我心則夷。又禮未廟見而死。歸葬于女氏之黨。以未成婦也。今白等。生有未見之悲。死有非婦之痛。而吏議欲肆之大辟。則同牢合卺之後。罪以何加。且記附從輕。言附人之罪。以輕者爲比。苟以白等皆受聘禮。已入門庭。刑之爲可。殺之爲重。操是之。由是爲法。曹議令史。子丕。纂。漢爲黃門侍郎。歷濟陰相。梁。譙。二郡太守。以忤旨。左遷睢陽典農校尉。心在利民。躬親臨視。百姓賴之。入爲侍中。先是散騎常侍劉劭。定律未就。毓疏上論古今科律之意。以爲法宜一正。不宜兩端。使姦吏得容私。遷吏部尚書。使自選代。曰。得如卿者。乃可。毓舉鄭沖。劭曰。文和吾亦知。更舉吾所未聞者。乃舉阮武。孫邕。劭于是用邕。初諸葛誕。鄧颺等。有名當世。有四聰八達之目。劭疾之。時舉中書郎。劭曰。得人與否。在盧生耳。選舉勿取有名。有名如畫地作餅。不可啖也。毓曰。名不足以致異人。而可以得常士。常士畏教慕善。然後有名。非所當疾也。愚情既不足以識異人。又主者正以循名案常爲職。但當有以驗其後。古者敷奏以言。明試以功。今考績之法廢。而以毀譽相進退。故真僞淆雜。虛實相蒙。劭納其言。卽令劉劭作考課法。劭因作都官考課法。七十二條。毓選舉先性行而後言才。黃門侍郎李豐。嘗以問毓。毓曰。才所以爲善也。故大才成大善。小才成小善。今稱其有才而不能爲善。是才不中器也。豐等服其言。曹爽秉政。將植其黨。徙毓僕射。以何晏代之。頃之出爲廷尉。司隸畢軌。又誣奏其罪。免官。衆論交訟之。乃爲光祿勳。爽等敗。復爲吏部尚書。進封高樂亭侯。轉僕射。加光祿大夫。曹髦初。進封大梁鄉侯。毋丘儉等起兵。欲誅司馬師。

師率衆攻之。使綱紀後事。遷司空。進封容城。延熙末卒。

杜畿

杜畿字伯侯。京兆杜陵人。御史大夫延年之後。舉孝廉。除漢中府丞。會天下大亂。棄官客荊州。荀彧薦之于曹操。操以爲司空司直。遷護羌校尉。領西平太守。王邑被徵。河東人衛固。范先。外以請邑爲名。而內與袁紹甥高幹通謀。操謂荀彧曰。關西諸將恃險。征之必亂。張晟寇殺澠間。南通劉表。固等因之。吾恐其爲深患。河東被山帶河。四鄰多變。今天下之要地也。君爲我舉蕭何。寇恂。以鎮之。荀彧曰。杜畿其人也。於是追拜河東太守。冒艱險至郡。卒平衛。范之亂。時天下郡縣皆殘破。河東最先定。少耗滅。畿崇寬惠。不苛擾。民有訟。與陳大義。遣歸締思之。若有所不盡。更來詣府。父老相責怒曰。有君如此。奈何不從其教。自是少訟。舉孝子。順孫。貞婦。復其繇役。課民蓄牝牛草馬。下逮雞豚犬豕。而皆有章程。百姓力農。家家豐實。乃曰。民富矣。不可不教也。於是冬月講武。又開官學。親執經教授。郡中化之。曹操與馬超夾渭而軍。軍食一仰河東。及敵破。餘蓄尙三十餘萬斛。增秩中二千石。操攻漢中。遣五千人運。運者相勉曰。人生有一死。不可負我府君。無一人敢亡者。其得民心如此。操稱魏王。以爲尙書令。曰。昔蕭何定關中。寇恂平河內。卿有其功。將授卿以納言之職。顧念河東我股肱郡。且煩公臥鎮之。在河東十六年。課爲天下最。不篡漢。封豐樂亭侯。累遷尙書僕射。不如許昌。令畿居守。作御樓船。于陶河試船。遇風溺死。子恕。字務伯。曹叡時。爲散騎黃門侍郎。辛毗等器重之。公卿以下。大議時政所宜損益。恕以爲古之刺史。奉宣六條。以清靜爲名。威風

著稱。可勿復領兵以專民事。居無何。鎮北將軍呂昭。又領冀州。上疏曰。安民之術。莫尚于豐財。豐財者。務本而節用也。方今六合未一。戎馬亟駕。此熊虎之士。展力之秋。然搢紳之儒。抗論以孫吳爲首。州郡牧守。忽恤民之術。修將帥之事。農桑之民。競干戈之業。不可謂務本。帑藏歲空。而制度歲廣。民力歲衰。而賦役歲興。不可謂節用。今國家奄有十州之地。承喪亂之餘。計其戶口。不如往昔一州。然而三邊未寧。以一州之民。而經營九州之地。豈可不加意愛惜其力哉。臣前以爲州郡典兵。則專心軍功。不勤民事。宜別置將守。以盡治理。今復以冀州寵秩呂昭。冀州戶口最盛。田多墾闢。又有桑棗之饒。國家徵求之府。不可任以兵事也。若謂北方當須鎮守。自可專置大將。以鎮安之。計所置吏士之費。與兼官無異。且天下猶人之體。腹心充實。四肢雖病。終無大患。今兗。豫。司。冀。亦天下之腹心也。是以愚臣懷懼。實願四州之牧守。獨修務本之業。以堪四肢之重。時又議考課之制。以考內外衆官。恕以爲用不盡其人。雖才且無益。所存非所務。所務非世要。乃上疏曰。世有亂人而無亂法。若使法可專任。則唐虞不須稷契之佐。商周無貴伊呂之輔矣。今奏考功者。陳周漢之法。爲綴京房之本旨。可謂考課之要。臣以爲未盡善也。其欲使州郡考士。必由四科。皆有事效。然後察舉試辟。公府親民。長吏轉以功次。補郡守者。或就增秩賜爵。此最考課之急務也。至于公卿及內職大臣。亦俱以其職考之。其有夙夜在官。恪謹特立。當官不撓貴勢。執平不阿所私。危言危行。以處朝廷者。明主所宜察也。誠使容身保位。無放退之辜。而盡節在公。抱見疑之勢。公義不修。而私議成俗。雖仲尼爲謀。猶不能盡一才。況世俗之人乎。今之學者。師申商而任法術。競以儒家爲迂闊。不周

世用最世俗之流弊也。後考課不行。在朝八年。論議抗直。出爲宏農太守。數歲轉趙相。以疾去。官起爲河東太守。遷淮北都督護軍。復以疾去。恕所在務存大體而已。其惠愛得百姓歡心。不及于畿。後以不得附貴勢。屢更外任。爲幽州刺史。加建威將軍。護烏丸校尉。以公事爲鎮北將軍。程喜所劾。免爲庶人。徙章武郡。著體論八篇。興性論一篇。卒于徙所。有子預。

### 鄭渾

鄭渾字文公。河南開封人。高祖父衆。衆父興。俱爲名儒。兄泰與荀攸等。謀誅董卓。不克。爲揚州刺史。卒。渾避亂渡江。依華歆。曹操聞其篤行。召爲掾。遷下蔡邵陵令。天下未定。民皆黥輕。不務殖產。生子率不舉。渾所至。課使耕桑。重去子之法。民稍豐給。所育男女。皆以鄭爲字。遷京兆尹。以百姓新集。爲制移居之法。使兼復者。與單輕者相伍。溫信者與孤老爲比。勤稼穡。明禁令。由是民安于農。而盜賊止息。復入爲丞相掾。丕篡漢。爲侍御史。加駙馬都尉。遷陽平沛郡太守。郡界下溼。苦水滂。百姓飢乏。渾于蕭相二縣。興陂。遏開稻田。郡人皆以爲不便。渾曰。地勢洿下。宜灌溉。終有魚稻。經久之計。此豐民之本也。躬率吏民興功。一冬而成。比年豐入。頃畝歲增。民賴其利。刻石頌之。號曰鄭陂。轉山陽魏郡太守。其治倣此。郡下乏材木。乃課樹榆爲籬。復種五果。榆皆成藩。五果豐實。入魏郡界。村落齊整如一。財足用饒。曹叡善之。遷將作大匠。自建安迄咸熙。燉煌太守。淮南倉慈。孝仁。京兆太守。濟北顏斐。文材。宏農太守。太原令狐邵。孔叔。濟南相。魯國孔乂。元雋。魏郡太守。陳國吳瓘。清河太守。樂安任燠。皆有政績。爲良二千石。

贊曰。曹操資禍賊視。殺人如刈草菅。繇羣等復導之復肉刑。助紂爲虐。莫甚于此。幸其議格。不然。禍豈有既哉。毓謂名不足以致異人。而可以得常士。斯言得之矣。

# 續後漢書卷第二十八

## 魏載記第五

王朗

王朗字景興。東海郟人。以通經爲郎。師事太尉楊賜。賜卒。棄官行服。徐州牧陶謙舉朗茂材。時獻帝在長安。關東兵起。朗爲謙治中。與別駕趙昱等說謙曰。春秋之義。求諸侯莫如勤王。今天子越在西京。宜遣使奉承王命。謙乃遣昱奉表至長安。天子嘉其意。拜謙安東將軍。以昱爲廣陵太守。朗會稽太守。孫策渡江略地。功曹虞翻以爲力不能拒。不如避之。朗不從。與策戰。敗績。浮海至東冶。策追擊之。又大破。乃詣策降。自稱擒虜。策以其儒雅。不加害。雖罹窮困。朝不謀夕。而收卹親舊。分多割少。行義甚著。曹操表召之。旣至。拜諫議大夫。參司空軍事。操爲魏王。累遷大理。罪疑從輕。時鍾繇明察。當法俱以治獄稱。丕嗣相位。遷御史大夫。封安陵亭侯。旣篡漢。拜司空。進封樂平鄉侯。時有鵜鷖集靈芝池。令公卿舉獨行君子。朗薦光祿大夫楊彪。不欲攻孫權。上書諫不可。丕不從。無功而還。曹叡初。進封蘭陵。上疏諫修宮室。轉司徒卒。著易春秋孝經周官傳奏議論記。皆傳于世。子肅字子雍。年十八。從宋忠讀太玄。而更爲之解。遷散騎常侍。曹叡時。曹真寇漢中。肅上疏諫。又言宜遵舊禮。爲大臣發哀。薦果宗廟。事皆施行。又上疏陳政本曰。除無事之位。損不急之祿。止浮食之費。并從容之官。官必有職。職任其事。事必受祿。祿以代耕。乃往古之常式。當



今之所宜行也。唐虞之時，設官分職，申命公卿，各以其事。然後惟龍爲納言，猶今之尙書也。以出內帝命而已。甘誓曰：六事之人，明卿亦典事者也。周官則備矣。及漢之初，公卿皆以事升朝。高祖躬追反走之周昌，武帝遙可奉奏之汲黯，宣帝令公卿五日一朝，成帝始置尙書五人，自是凌遲，朝禮遂闕。可復五日一朝之儀，使公卿尙書各以事進，廢禮復興，所謂名美而實厚者也。獻帝崩，肅上疏，以爲漢總帝皇之號曰皇帝，有別稱帝，無別稱皇，則皇是其差輕者也。故當高祖之時，土無二王，其父在而使稱皇，明非二王之嫌也。今以贈終，可止稱皇，以配其諡。叡不從，乃追諡孝獻皇帝。後領祕書監，兼崇文觀祭酒。叡嘗問漢桓帝時，白馬令李雲上書言帝者諦也，是帝欲不諦，安得不死。肅對曰：但爲失逆順之節，原其本意，皆欲盡心補國，且帝者之威，過於雷霆，殺一匹夫，無異螻蟻，寬而宥之，以示容受直言，故臣以爲殺之未必爲是也。叡又問司馬遷以受刑之故，內懷隱切，著史記，非貶孝武，令人切齒。對曰：遷善敘事，有良史之才，謂之實錄。武帝聞其述史記，取孝景及己本紀覽之，于是大怒，削而投之。于今此兩紀有錄無書，後遭李陵事，遂下遷蠶室，此爲隱切。在孝武而不在史，遷也。時盛修宮室，民失農業，或後期約，刑殺倉卒。肅上疏曰：孟軻稱殺一不辜而得天下，仁者不爲也。漢時有犯蹕驚乘輿馬者，張釋之奏使罰金，帝怪其輕，釋之曰：方其時，上使誅之則已，今下廷尉，廷尉天下之平也，一傾之，天下用法皆爲輕重，民安得措其手足。臣以爲大失其義，非忠臣所宜陳也。廷尉，天子之吏也，猶不可以失平，而天子之身，反可惑謬乎。斯重于爲己，而輕于爲君，不忠之甚也。周公曰：天子無戲言，言則史書之，工誦之，士稱之，言猶不戲，而況行之乎。故釋之

之言不可不察。周公之戒不可不法也。累遷太常。曹芳時。曹爽輔政。任何晏、鄧颺等。肅與蔣濟、桓範論及時政。肅正色曰：「此輩卽宏恭、石顯之屬。復稱說邪。」爽聞之。戒晏等曰：「當共謹之。」公卿已比諸君前世惡人矣。坐宗廟事。免爲光祿勳。時有二魚集武庫之屋。有司以爲吉祥。肅曰：「魚生于淵而亢于屋。介鱗之物。失其所矣。邊將其殆有棄甲之憂乎？」其後果有東關之敗。司馬師旣廢曹芳。使肅迎曹髦于元城而立之。累遷中領軍。加散騎常侍。卒。門生縵經者。以百數。初肅善賈馬之學。而不好鄭氏。采會異同。爲尙書、詩、論語、三禮、左氏解。及譔定父朗所作易傳。皆列于學。其所論駁朝廷典制。郊祀宗廟。喪紀輕重。凡百餘篇。時樂安孫炎叔然受學鄭玄之門。稱東州大儒。召爲祕書監。不就。肅集聖證論。以譏短玄。炎駁而釋之。及作周易、春秋例、毛詩禮記、春秋三傳、國語、爾雅諸注。又注書十餘篇。自漢末徵士。燉煌周生烈、曹叡時、大司農宏、農董遇等。亦歷注經傳。頗傳于世。

### 王弼

王弼字輔嗣。山陽人。祖凱。侍中。粲之從兄。父業。荊州牧。劉表之甥。仕至謁者僕射。弼幼敏慧。年十餘。好老子。已能辨晰。父爲曹叡尙書郎。裴徽爲吏部郎。弼未冠。往造焉。徽異之。問曰：「夫無者。誠萬物之所資也。然聖人莫肯致言。而老子申之無已者。何？」弼曰：「聖人體無。無又不可以訓。老子是有者也。故常言無所不足。何晏甚奇之。歎曰：「仲尼稱後生可畏。若斯人。可與言天人之際乎？」淮南劉陶善談論。爲時所推。每與弼語。未嘗不自屈。弼天下才杰出。論難有據。當其所得。莫能挫也。性和易。樂安閒。解音律。其論道賦會文辭。不

如何晏。超詣隱奧。多于晏也。頗以所長驕人。故時爲士君子所疾。與鍾會善。會議論以校練爲宗。然每服弼之高致。晏每謂聖人無喜怒哀樂。其論甚精。會等述之。弼以爲不然。夫聖人茂于人者神明。同于人者五情也。神明茂。故能體中和以通無。五情同。故不能無喜怒哀樂。以應物。然則聖人之情。應物而無累于物者也。今以其無累。便謂不復應物。失之多矣。弼嘗注易。潁川荀融。難弼大衍義。又注老子。爲之指略。頗有理致。又注道略論。太原王濟。好談老莊。常云見弼易注。所悟者多。曹芳時爲尙書郎。卒年二十四。贊曰。景興以德義自將。能勉陶謙以春秋勤王之舉。而撓節于孫氏。屈身于曹操。不足道也。禮爲舊君服。示不忘本。故鄭季不忍名籍。以苟富貴。田橫之客。能以禮葬橫。至今稱爲長者。肅父子嘗逮事漢。獻帝之崩。曹叡欲盡追崇之禮。于帝固無所加損。爲肅者。贊其決可也。旣不克爲。反欲黜其帝號。以媚所事。其刻薄寡恩如此。真小人哉。

王粲

王粲字仲宣。山陽高平人。曾祖龔。祖暢。皆爲漢三公。父謙。爲大將軍。何進長史。獻帝西遷。粲徙長安。中郎將蔡邕見而奇之。時邕以才學顯貴。重朝廷。賓客滿座。聞粲至。門倒屣迎之。年旣稚弱。軀幹短小。一座盡驚。邕曰。此王公孫有異才。吾不如也。吾家書籍。當盡與之。年十七。司徒辟。詔除黃門侍郎。以時方梗。皆不就。乃之荊州。依劉表。表以其貌寢。不甚加禮。表卒。勸其子琮歸曹操。操辟爲丞相掾。關內侯。操置酒漢濱。粲奉觴稱操德美。以爲三王之舉。正人醜其險佞。操稱魏王。以爲侍中。時舊儀廢弛。勅立法度。皆粲典之。

初粲與人讀道旁碑。人問卿能暗誦否。粲朗誦之。不失一字。又嘗觀人圍棋。局壞。粲爲覆之。棋者以帊蓋局。更使以他局爲之。不誤一道。又精于算。作算術。善屬文。舉筆立就。無所竄定。人以爲宿構。然正復精意。覃思。亦不能加也。建安二十三年。從操攻孫權。道病卒。時年四十一。始不爲五官將。與其弟植。皆好文學。粲與北海徐幹。廣陵陳琳。陳留阮瑀。汝南應瑒。東平劉楨。竝相友善。幹爲司空軍謀祭酒。五官將文學。琳前爲何進主簿。進欲誅宦官。太后不聽。乃召四方猛將。引兵向京城。欲以脅太后。琳諫曰。易稱卽鹿無虞。諺有掩目捕雀。夫微物尙不可欺。以得志。況國之大事。以詐立乎。今將軍總皇威。握兵要。龍驤虎步。高下在心。以此而行。何異鼓洪爐而燎毛髮。但當行權立斷。遠經合道。天人順之。而反釋其利器。更徵于他。大兵旣合。強者爲雄。所謂倒持太阿。授人以柄。必不能成功。且爲亂階。進不納。竟及于禍。琳避難冀州。袁紹使典文章。袁氏敗。歸曹操。操責曰。昔卿爲本初遺書。但可罪狀孤。何乃上及父祖。琳謝曰。箭在弦上。不得不發耳。操愛其才。而不之罪。與瑀竝爲司空軍謀祭酒。管記室。軍國書檄。多琳。瑀所作。嘗作諸書。及檄草。成以呈操。先是操苦頭風。是日疾發。臥讀琳所作。蹶然而起曰。是能愈我病。數加厚賜。琳徙門下。瑀爲倉曹掾。瑒。楨。亦爲丞相掾。轉五官將文學。楨以不敬被刑。刑竟。署吏咸著文賦數十篇。瑀以十七年卒。琳幹。瑒。楨。竝于二十二年卒。丕書與元城令吳質曰。昔年多疫。親故多罹其災。徐。陳。應。劉。一時多折。觀古今文人。類不護細行。鮮能以名節自立。而偉長獨懷文抱質。恬淡寡欲。有箕山之志。可謂彬彬君子矣。著中論二十餘篇。辭文典確。足以傳後學。爲不朽矣。德璉常斐然有述作意。其才學足以著書。雅志不遂。良可

痛惜。孔璋章表殊健。微爲繁富。公幹有逸氣。但未逾耳。其五言詩之善者。妙絕時人。元瑜書記翩翩。致足樂也。仲宣獨善于詞賦。惜其體弱。不足以起其意。至其善處。古人無以遠過。皆一時之雋也。不嘗作典論。并孔融而言。以爲七子。自潁川邯鄲淳。繁欽。陳畱路粹。沛國丁儀。丁廙。宏農楊修。河內荀緯等。亦有文采。而不在七人之列。粹爲操軍謀祭酒。誣奏孔融。人畏其筆。瑒弟璩。字休璉。亦以文章顯。吳質者。字季重。濟陰人。爲丕植所善。官至振威將軍。假節督河北諸軍事。封列侯。又有譙郡嵇康。下邳桓威。亦著稱于時。康字叔夜。文詞壯麗。好言老莊。而尙奇任俠。爲司馬昭所害。晉史自有傳。威出孤微。年十八。著渾輿經。依道以見意。後爲安成令。瑀子籍仕晉。

衛凱

衛凱字伯儒。河東安邑人。少以才學稱。曹操辟爲司空掾。遷治書侍御史。使益州。以道梗不通。畱關中。時關中民散徙他郡者。漸還本土。諸將多引爲部曲。凱與荀彧書曰。夫鹽國之大寶也。宜如舊置使監賣。以其直益市牛。以給民。勸耕積粟。以豐殖關中。遠民聞之。必日夜思歸。又使司隸畱治關中。以爲之主。則諸將日削。官民日盛。此強本弱枝之訓也。彧以白操。操從之。始遣謁者僕射監鹽官。司隸治宏農。關中服從。召凱還。遷尙書。操稱王。以爲侍中。與王粲竝典制度。不嗣。還爲漢侍郎。勸贊禪代之事。且爲文告之辭。不旣篡漢。復爲尙書。封陽吉亭侯。曹叡初。進封闔鄉。凱奏曰。律法者。國家之所重。而私議之所輕。獄吏者。百姓之所懸命。而選用之所卑。王政之敝。未必不由此也。請置律博士。轉相教授。事遂施行。時百姓凋敝。而

役務方殷。覬上疏言。當今之務。宜量入爲出。而上方所造。愈更增廣。侈靡日崇。帑藏日竭。昔漢武信求神仙之道。謂當得雲表之露。以餐玉屑。故立仙掌以承之。今無求于露。而空設之。不資于用。而靡費無益。皆所宜裁制也。受命典制作。又爲魏官儀。凡所撰述。數十篇。好古文。烏篆隸草。無不善。以病卒。子瓘爲鎮西將軍。餘事見晉史。建安末。尚書右丞潘勗。散騎常侍王象。與覬竝以文章顯。又有劉廙者。字恭嗣。亦有名于時。仕至侍中。著書數十篇。與丁儀共論刑禮。皆傳于世。

### 劉劭

劉劭字孔才。廣平邯鄲人。建安中爲計吏。詣許太史。言正旦當日食。劭時在尚書。令荀彧所在坐者數十人。或云當廢朝。或云宜卻會。劭曰。梓禕古之良史。猶占水火。錯失天時。禮記曰。諸侯旅見天子。及門不得終禮者。四日蝕在一。然則聖人垂訓。不爲變故。廢朝禮者。或災消異伏。或推衍謬誤也。彧善其言。敕朝會如舊。日亦不蝕。曹丕篡漢。爲尚書郎。散騎侍郎。曹丕令集羣書。以類相從。作皇覽。劭時出爲陳畱太守。召拜騎都尉。著律略論。遷散騎常侍。嘗作趙都賦。劭善之。令賦許都。洛都。時外興軍旅。內營宮室。劭作二賦。俱譏諫焉。孫權圍合肥。時東方吏士皆分休。滿寵表請中軍兵。并已休將士。須集擊之。劭議以爲吳師初至。心專氣銳。寵以兵少。求須兵至。未有所失。臣以爲可先遣步兵五千。精騎三千。揚聲耀勢。騎到合肥。疏其行隊。多其旗鼓。引出賊後。遏其歸路。要其糧道。彼聞軍至。騎斷其後。必震怖遁走。可不戰而破矣。劭從之。兵至合肥。權果遁走。劭令作都官考課七十二條。又作說略一篇。又以爲宜制禮作樂。著樂論十四篇。

事成未上而叡死。不及施行。子芳初執經講學。賜爵關內侯。所撰述法論、人物志之類。百餘篇。卒。同時東海繆襲、陳畱蘇林、京兆韋誕、譙國夏侯惠、任城孫該、河東杜摯等。亦著文賦。皆至大官。

傅嘏

傅嘏字蘭石。北地泥陽人。介子之後也。弱冠知名。司空陳羣辟爲司空掾。時劉劭作考課法。事下三府。嘏難曰。按考課論。雖欲尋前代黜陟之文。然其制度闕亡。禮之存者。惟有周典。外建侯伯。藩屏九服。內立列司。管齊六職。士有常員。官有常則。百揆均任。四民殊業。故考績可理。而黜陟易通也。自建安以來。至于今日。日不暇給。經邦治戎。權法竝用。百官羣司。軍國通任。隨時之宜。以應政機。以古施今。事雜義殊。難得而通也。所以然者。制宜經遠。或不切近法。應時務。不足垂後。夫建官均職。清理名物。所以立本也。循名考實。糾勵成規。所以治末也。本綱未舉。而造制未呈。國略不崇。而考課是先。恐不足以料賢愚之分。精幽明之理也。昔先王之擇才。必本行于州閭。講道于庠序。行具而謂之賢。道修則謂之能。鄉老獻賢能之書于王。王拜受之。使長使治。此先王取才之義也。方今未有六鄉之舉。其選才之職。專任吏部。按品狀則實才未必當。任功伐則德行未爲敍。如此。則殿最之課。未盡人才。述綜王度。敷贊國式。體深義廣。難得而詳也。曹芳時。除尙書郎。遷黃門侍郎。與何晏不平。免官。起爲司馬懿從事中郎。懿殺曹爽。以爲河南尹。遷尙書。嘏嘗以爲秦始罷侯置守。設官分職。不與古同。漢氏因之。以至於今。然儒生學士。咸欲錯綜。以三代之禮。理宏制遠。不應時務。事與制違。名實未副。歷代不至于治。蓋由是也。欲改定官制。一依古義。今時多艱。未能



遽革。嘏嘗論才性同異。鍾會集而論之。曹髦初封武鄉亭侯。母丘儉、文欽等欲起兵誅司馬師。師帥衆拒之。或以師不宜自行。惟嘏及王肅勸其行。師以嘏守尙書僕射。與俱東。欽儉敗。嘏有謀焉。及師卒。嘏祕不發喪。以師之命召其弟昭于許昌。領其兵。竟還洛陽。昭輔政。嘏進封陽鄉。卒年四十七。有子祗。

### 崔林

崔林字德儒。清河武城人。少時晚成。宗族莫知。惟從兄琰異之。曹操并冀州。以爲鄆長。後攻壺關。問長史德政最者。并州刺史張陟以林對。于是擢爲冀州主簿。遷御史中丞。丕篡漢。爲尙書。出爲幽州刺史。時北中郎將吳質統河北軍事。涿郡太守王雄謂林別駕曰。吳中郎將上所親重。仗節統事。州郡莫不奉辰致敬。而崔使君不與相聞。若以邊塞不修。斬卿使君。寧能護耶。別駕具以白林。林曰。刺史視去此州如脫屣。寧當相累耶。此州與胡虜接。宜鎮之以靜。擾之則動其逆心。特爲國家生北顧憂。在官一期。寇盜屏息。猶以不事上司。左遷河間太守。清論多爲林怨也。遷大鴻臚。曹叡初轉光祿勳。司隸校尉爲政推誠簡易。務存大體。是以去後每輒見思。散騎常侍劉劭作考課論。制下百官議。林議曰。按周官考課。其文備矣。自康王以來。遂以陵遲。此卽考課之法。存乎其人也。及漢之季。豈在乎吏部之職不密哉。今之制度。不爲疎闊。惟在守一勿失而已。若朝臣能受仲山甫之重。式是百辟。則孰敢不肅。時司空司徒竝缺。散騎侍郎孟康薦林忠直清儉。公輔之器。遂爲司空。封安陽亭侯。魏氏三公封侯。自林始。頃之進封鄉侯。魯相上言。漢立孔子廟。褒成侯。歲時奉祀。辟雍行禮。必祭先師。王家出穀。春秋祭祀。今宗聖侯奉祀。未有命祭之禮。宜給

牲牢。長吏奉祀。尊爲貴神。制三府議。博士傳祇。以春秋傳言。立在祀典。則孔子是也。宗聖適足繼絕世。彰盛德耳。至于顯立言。崇明德。則宜如魯相所上。林議以爲宗聖侯。亦以王命祀。不爲未有命也。周公封黃帝堯舜之後。及立三恪。禹湯之世。不列于時。復特命他官祭也。今周公以上。達于三王。忽焉不祀。而其禮經亦存其言。獨祀孔子者。以世近故也。以大夫之後。特受無疆之祀。禮過古帝。義逾湯文。可謂崇本報德矣。無復重祀于非族也。曹芳初卒。

贊曰。人之推尊其師。所以尊其道也。聖如孔子。爲萬世仁義禮樂之主。則其所以推尊之禮。宜如何。韓愈氏有言。自天子至郡邑守長。通得祀而徧天下者。惟孔子與社稷。社祭土。稷祭穀。勾龍與棄。特其配享者。曷若孔子用王者禮。巍然中處。天子而下。北面拜跪。若親弟子然。非以其德被萬世。所以推尊之者。固應爾耶。方曹氏割據時。魯相請官別給牲牢。長吏奉祀。可謂知所本耶。彼崔林者何人。乃云。自周公以上。至于三王。且不與祀秩。孔子以大夫。而受無疆之祀。其禮過矣。且有重祀非族之譏。是足與語推尊之意哉。唐人歸崇敬。亦謂天子不當北面。請東向。以殺太重。腐儒所見。大要相若。忘本甚矣。吾藝祖皇帝。嘗至相國浮圖。問左右當拜不。或對以人主不當拜。已而幸國學。卽北面再拜。其尊師重道。足以興起人心。爲後世法。惜二子不獲身見其事。以發其壺中之天。

楊俊

楊俊字季才。河內獲嘉人。受學陳畱邊讓。讓器重之。後以時方多亂。而河內處四達之衢。必爲戰場。乃扶

攜老弱詣京密山間同行者百餘家。振卹貧乏。宗族知故爲人所略。作媼者凡六家。皆傾財贖之。禮并州本郡王象。少孤特。年十七八。爲人奴隸。牧羊而私讀書。因被箠楚。俊嘉其才質。憐之。卽贖象置其家。爲之聘妻納產。然後與別。曹操以爲丞相掾。舉茂才。除安陵令。遷南陽太守。宣德教。立學校。吏民稱之。徙爲征南將軍。操爲魏王。遷中尉。丕篡漢。復守南陽。時王象爲散騎常侍。薦俊吏名顯著。宜還本朝。宣力輦穀。俊自少以人倫自任。同郡審固。陳畱衛恂。皆出自兵伍。俊資拔獎致。咸作佳士。固後歷郡守。恂御史。其明鑒行誼多此類。初曹植與俊善。丕銜之。後至宛。以市不豐。樂發怒。偪令自殺。王象者。字義伯。與同郡荀瑋等。俱爲丕所禮。及王粲陳琳等亡。新進中。惟象才最高。累遷散騎常侍。封列侯。領祕書監。使撰皇覽。合四十餘部。部有數十篇。通八百餘萬字。象旣性和厚。文又溫雅。以故當時稱爲名儒。丕以舊忿殺俊。象叩頭流血論救。丕曰。吾知楊俊與卿本末。今聽卿是無我也。俊死。象以不能救俊爲恨。發病卒。

### 高堂隆

高堂隆字升平。泰山平陽人。魯高堂生之後也。少爲諸生。太守薛悌召爲督郵。郡督軍與悌爭論。名悌而呼之。隆按劍叱督曰。昔魯定公見侮仲尼。歷階趙彈秦箏。相如進缶。臨臣名君。義之所討也。督軍失色。悌驚起止之。後去吏。避地濟南。建安十八年。曹操召爲丞相軍議掾。出爲堂陽長。曹叡時爲給事中。博士累遷散騎常侍。時大治殿舍。西取長安大鐘。隆引伶州鳩對周景王鑄鐘以爲諫。遷侍中。請改正朔。易服色。殊徽號。異器械。叡從其議。改青龍五年春三月。爲景初元年。孟夏四月。易服色。尙黃。犧牲用白。從地正也。

遷光祿勳。時叡崇宮室。飾觀閣。鑿大行之石英。采谷城之文石。起景陽山。建昭陽殿。鑄黃龍鳳皇。奇瑋之獸。百役竝興。作者萬數。公卿以下。至于諸生。莫不展力。叡至躬自掘土。以率之。天作淫雨。冀州大水。漂沒人民。隆上疏極諫。以爲始皇不築道德之基。而築阿房之宮。不憂蕭牆之變。而修長城之役。當其君臣爲此計也。亦欲立萬世之業。使子孫長有天下。豈意一朝匹夫大呼。而天下傾覆哉。是以亡國之主。自謂不亡。然後至于亡。賢聖之君。自謂將亡。然後至于不亡。今所與腹心者。非三司九列。則臺閣近臣。宜在無諱。而不敢以告。是則具臣非鯁輔也。昔李斯教秦二世曰。爲人主而不恣睢。命之曰天下桎梏。二世用之。秦遂以亡。斯亦滅族。是以史遷譏其不正諫。而爲世戒。書奏。叡謂中書監令曰。觀隆此奏。吾甚懼焉。隆疾篤。又口占上疏力諫。卒。初。蔣濟請封禪。叡曰。聞濟斯言。使吾汗出流足。事寢歷歲。後欲議行其事。使隆譔定禮儀。未成。及隆歿。叡歎曰。天不欲成吾事。高堂生舍我而亡也。

# 續後漢書卷第三十九

## 魏載記第六

崔琰

崔琰字季珪。清河東武城人。少好擊劍尙武。年二十三。鄉移爲正。始感激讀論語韓詩。受學于鄭玄。以琴書自娛。袁紹辟爲騎都尉。紹治兵于黎陽。次于延津。琰諫曰。天子在許。民望助順。不如守境述職。以寧區宇。不聽。遂敗于官渡。曹操破袁氏。自領冀州。辟爲別駕從事。操攻并州。留傅子丕于鄴。操爲丞相。琰爲東西曹掾屬徵事。及爲魏公。除尙書。時丕弟植有才而愛。操欲有所立。而狐疑未決。以函令密訪于外。惟琰露板答曰。立子以長。五官將仁孝聰明。宜承正統。琰請以死守之。植琰之兄子壻也。操喜其公。遷中尉。琰鬚長四尺。有威重。朝野瞻望。總齊清議。多所甄拔。嘗薦鉅鹿楊訓。雖才不足。而清貞自守。操卽禮辟之。後操僭稱魏王。訓發表稱贊德美。時人或笑其希世浮僞。謂琰爲失所舉。琰從訓取表草視之。與訓書曰。省表事佳耳。時乎時乎。會當有變。時琰本意識論者。好譴呵而不尋情理。有白琰此書。傲世怨謗者。操怒曰。諺言生女耳。耳非佳話。會當有變。時意旨不遜。於是罰爲徒隸。使人視之。神色不撓。操愈怒曰。琰雖被刑。而通賓客。虬鬚直視。若有所嗔。遂殺之。琰名知人。從弟林少未知名。琰曰。此所謂大器晚成。終必遠到。初見涿郡孫禮。盧毓曰。孫疏亮亢烈。剛簡能斷。盧清警明理。百鍊不消。皆公才也。三人後皆至鼎輔。友人公

孫育、宋階、蚤卒。琰撫其孤若己子。其鑒識篤義類如此。操性忌刻。有所不堪者。魯國孔融、南陽許攸、婁圭等。皆以非罪見殺。而琰與融最爲世所痛惜。

毛玠

毛玠字孝先。陳畱平丘人。曹操至兖州。辟爲治中從事。語操曰。今朝廷播遷。生民廢業。公家無經歲之儲。百姓無固安之志。難以持久。袁紹、劉表。雖地廣民強。皆無經遠之謀。未有樹基建本者也。夫兵義者勝。守位以才。宜奉天子以令不臣。脩耕植。蓄軍資。如此則霸業可成。操納其言。遷丞相東曹掾。與崔琰並典選。其所用皆清正之士。雖有盛名而行不由本者。終莫得進。務以儉率人。由是天下士莫不以廉節自勵。雖貴寵之臣。輿服不敢過度。長吏至垢面羸服。常乘柴車。軍吏入府。朝服徒行。至有身攜壺漿入官寺者。操歎曰。用人如此。使天下人自治。吾復何爲哉。子丕爲五官將。屬玠以所親。玠曰。老臣以能守職。幸得免戾。不奉命。操還自鄴。議欲并省職司。玠請謁不行。時人疾之。咸欲省東曹。乃共白舊西曹爲上。東曹次之。宜省東曹。操知其意。令曰。日出于東。月盛于東。凡人言方。亦復先東。遂省西曹。初。操平柳城。班所獲器物。以素屏風。素馮几。遺玠曰。君有古人之風。故遺君以古人之服。玠雖位通顯。常布衣蔬食。撫育兄遺孤甚篤。祿賜以施宗族。家無贏資。遷右軍師。操稱魏王。除尙書僕射。復典選舉。時子丕雖長。而弟植有寵。玠密白。近者袁紹以嫡庶不分。覆宗絕祀。廢立大事。非所宜聞。後會羣僚。玠起更衣。操目之曰。此所謂國之司直者也。崔琰旣死。玠內不悅。有白玠出見黥面反者。其妻子沒爲官奴婢。玠言使天不雨者。蓋此也。操大怒。

收玠付獄。桓階和洽救之。免官。卒于家。

贊曰。聖人作易。畫卦蓋至于節。而後制行之意寓焉。夫節坎上兌下。坎爲水。兌爲澤。澤上之水不出。夫澤瀦而無泄。則無以潤下。泄而不已。則涸矣。節之義所由著也。其始曰苦節。不可貞。至其終。則又曰苦節貞凶。蓋節之義。不貴夫過。過則人情有所不堪。是爲苦節。故曰不可以爲正。雖正而凶矣。夫一概難堪之行。聖人所不爲。安可通行乎天下。聖人不求異于人。如此。玠、玠二子。疾時侈靡。方其典選。一切以儉節取人。士大夫至垢面羸服。身持壺漿。以入府寺。旣不足以激天下之貪。而矯爲不情。相師成風。在當時已不能免議者之云云。古人處事。求爲可繼。二子雖有志厲俗。而矯枉過直。不得中道。是豈足與語聖人議德行之意云。

### 鮑勛

鮑勛字叔業。泰山平陽人。父信。靈帝時爲騎都尉。濟北相。黃巾入境。以救曹操遇害。操以舊恩。辟勛爲丞相掾。建安二十二年。爲太子中庶子。累遷魏郡西部都尉。子丕妻郭氏弟。爲曲周縣吏。盜官布。法應棄市。操時在譙。丕畱鄴。數手書爲之請。勛不敢擅縱。具列上。勛前在東宮。守正不撓。丕固不悅。及是。志望滋甚。會郡界休兵。有失期者。密令中尉奏免勛官。久之。拜侍御史。丕篡漢。兼侍中。每陳今之所急。惟在兵農。臺榭苑囿。宜以爲後時。丕出遊獵。勛上疏力諫。丕手毀其疏。而竟行獵。問侍臣曰。獵之爲樂。何如八音。侍中劉曄對曰。獵勝于樂。勛抗辭曰。夫樂上通神明。下和人理。故移風易俗。莫善于樂。而獵驅逐原野。傷生育。



之理。劉曄佞諛不忠。阿順過戲之言。昔梁丘據取媚于造臺。曄之謂也。請有司議罪。丕怒罷還。卽出勛爲右中郎將。陳羣司馬懿竝舉勛爲宮正。宮正御史中丞也。丕不得已而用之。百僚嚴憚。丕欲攻孫權。勛諫以爲不可。丕益忿之。左遷治書執法。丕自壽春還。屯陳畱郡界。太守孫邕過勛。時營壘未成。但立標埒。邕邪行不由正道。軍容吏劉曜欲劾之。勛以塹壘未成。救止。軍還雒陽。曜有罪。勛奏黜遣。而曜密白勛私解邕事。收付廷尉。廷尉議正刑五歲。三官駁依律罰金二斤。丕大怒曰。勛應死而汝等縱之。收三官以下付刺姦。當令十鼠同穴。太尉鍾繇竝言。勛父信有功于國。請貰其罪。丕不許。殺之。後二旬。丕亦死。人莫不爲勛飲恨。

徐邈

徐邈字景山。燕國薊人。曹操以爲東曹議令史。操稱魏王。爲尙書郎。時法禁酒。而邈私飲酣醉。校士趙達問以曹事。邈曰。中聖人。達白之。操大怒。將軍鮮于輔進曰。平日醉客。謂酒清者爲聖人。濁者爲賢人。邈素脩謹。偶醉言耳。竟坐免。丕篡漢。爲譙相。累遷潁川典農中郎將。所在著稱。賜爵關內侯。丕至許昌。問邈曰。頗復中聖人否。對曰。昔子反斃于穀陽。御叔罰于飲酒。臣嗜同二子。不能自懲。時復中之。然宿瘤以醜見傳。而臣以醉見識。丕大笑。顧左右曰。名不虛立。遷撫軍大將軍。軍師曹叡初爲涼州刺史。風化大行。百姓歸心。討叛羌有功。封都亭侯。加建威將軍。賞賜皆散之。將士妻子衣食不給。還爲大司農。遷司隸校尉。百僚憚之。後拜司空。歎曰。三公論道之官。無其人則缺。豈可以老病忝之哉。固辭。延熙中卒。盧欽著書稱其

美曰。徐公志高行潔。才博氣猛。其施之也。高而不狷。潔而不介。博而守約。猛而能寬。聖人以清爲難。而徐公之所易也。或問欽。徐公當操之時。人以爲通。自在涼州。及還京師。人以爲介。何也。欽答曰。往者毛孝先。崔季珪等用事。貴清素之士。于時皆變易車服以求名。而徐公不改其常。故人以爲通。比來天下奢靡。轉相倣效。而徐公雅尙自若。不與俗同。故前日之通。乃今日之介也。是世人之無常。而徐公之有常也。欽之論如此。

### 胡質

胡質字文德。楚國壽春人。父敏字通達。以方正稱。質少與蔣濟、朱績俱知名于江淮間。曹操問濟曰。胡通達長者。有子若孫否。濟曰。有子曰質。規模大略不及于父。至于精良綜事過之。操召爲頓丘令。將軍張遼與其護軍武周有隙。遼欲請質爲僚佐。質辭以疾。他日謂質曰。僕委意于君。何以相辜如此。質曰。古人之交也。取多知其不貪。奔北知其不怯。聞流言而不信。故可終也。武伯南身爲雅士。往者將軍稱之。不容于口。今以睚眦之恨。乃成嫌隙。況質才薄。豈能終好。是以不願也。遼悟與周如初。子丕篡漢。徙吏部郎。爲常山太守。遷任東莞。士盧顯爲人所殺。質曰。此士無讐。而有少妻。所以死也。悉見其比居年少。書吏李若見問。而色動。遂窮詰。若卽首服。每軍功賞賜。皆推之將士。在郡九年。吏民便安。遷征東將軍。假節。都督青徐諸軍事。廣農積穀。有兼年之儲。置東征臺。且田且守。性沈實內察。不以其節檢物。所去見思。延熙十三年卒。家無贏貲。惟有賜衣書篋而已。有子威。

桓階

桓階字伯緒。長沙臨湘人。太守孫堅舉階孝廉。除尙書郎。父喪還鄉里。會堅擊劉表戰死。階詣表乞堅喪。表義而與之。曹操與袁紹相拒于官渡。劉表舉州應紹。階說其太守張羨曰。夫舉事而不本于義。未有不敗者也。故齊桓率諸侯以尊周。晉文逐叔帶以納王。今袁氏反此。而劉牧應之。取禍之道也。明府必欲立功明義。全福遠禍。不宜與之同也。羨曰。然則何向而可。曰。曹操雖弱。奉王命而討有罪。誰敢不服。今若舉四郡爲之內應。不亦可乎。羨乃舉長沙及旁三郡拒表。遣使詣操。操說會操軍未得南。而表攻羨。羨病死。城陷。階自匿。久之。表辟爲從事。因辭疾去。操定荊州。聞其爲羨謀。異之。辟爲丞相主簿。操稱魏王。爲虎賁中郎將。侍中。時子植有寵。階數陳丕德優齒長。宜爲儲副。公規密諫。前後懇摯。遷尙書典選舉。丕篡漢。遷尙書令。封高鄉亭侯。加侍中。階疾。丕親臨視。謂曰。吾方託六尺之孤于卿。勉之。徙封安樂鄉。尋拜太常卒。

裴潛

裴潛字文行。河東聞喜人。避亂荊州。劉表待以賓禮。潛謂所親王粲。司馬芝曰。劉牧非伯王之才。乃欲西北自處。其敗無日矣。曹操定荊州。辟參丞相軍事。時代郡大亂。操以爲太守。烏丸王及其大人。凡三人。各稱單于。專制郡事。前守莫能治正。操欲授潛兵以鎮討之。辭曰。代郡戶口繁夥。士馬控弦以萬數。單于自知放橫日久。內不自安。今將兵往。必懼而拒境。少則不見憚。宜以計圖之。遂單車之郡。單于驚喜。潛撫之以靜。單于以下。脫帽稽顙。悉還前後所略婦女財物。潛按誅郡中大吏與單于爲表裏者十餘人。北邊大

震。百姓歸心。在郡三年。還爲丞相理曹掾。操稱其治代之功。潛曰。潛于百姓雖寬。于諸胡爲峻。今繼者必以潛爲過嚴。而事加寬惠。過寬必弛。旣弛。又將攝之以法。此訟爭所由起也。以勢料之。代必復叛。于是操深悔。還潛之速。後數十日。三單于反。問至。操乃遣其子彰討之。出爲沛相。遷兗州刺史。子丕篡漢。爲散騎常侍。除魏郡。潁川。典農中郎將。奏通貢舉。比之郡國。曹叡初入爲尙書。封青陽亭侯。累遷尙書令。奏正分職。料簡名實。出事使斷官府者。百五十餘條。延熙中卒。性廉謹。每之官。不與妻子俱行。爲兗州時。嘗作一胡牀。及去。畱以挂柱。家人或并日而食。其家教有似石奮。自漢末少能及者。然而無所薦進。世稱其潔而已。子秀。時有何夔。梁習者。皆陳郡人。與潛俱參曹操軍事。夔字叔龍。爲操東曹掾。言于操曰。軍興以來。制度草創。用人未詳其本。是以各引其類。而忘道德。夔聞以賢制爵。則民慎德。以庸制祿。則民興功。自今所用。宜先核之。鄉閭使長幼順敘。無相踰越。顯忠直之賞。明公實之報。則賢不肖別矣。又宜脩保舉。故不以實之。令使有司別受其負。在朝廷之臣。時受教與曹竝選者。各任其責。上以觀朝臣之節。下以塞爭競之源。則天下幸甚。操稱善。拜尙書僕射。遷太子太傅。子丕時。封成陽亭侯。子曾嗣。梁習字子虞。爲操西曹令史。累遷并州刺史。勸課農桑。令行禁止。貢達名士。咸顯于世。長老以爲自所聞識。未有及者。建安十八年。州并屬冀州。更拜議郎。曹丕初。復置并州。仍爲刺史。封中門亭侯。治行爲一時最。在州二十餘年。居處窮約。無方面珍物。召爲大司農。子叡時卒。初濟陰王思。與習俱爲西曹令史。思因白事失操旨。操大怒。召主者將加重辟。時思近出。習往代對。已被收繫。思乃馳還。自陳己罪。操歎習之不

言思之識分曰。何意吾軍中有二義士乎。後同時爲刺史。思領豫州。亦能吏。然煩碎無大體。不如習。

司馬朗

司馬朗字伯達。河內溫人。懿之兄也。九歲。人有稱其父字者。朗曰。慢人親者。不敬其親者也。客謝之。十二試經爲童子郎。監試者以其軀幹魁梧而疑之。朗曰。朗之內外累世長大。損年以求蚤成。非吾志也。監試者異之。其後天下大亂。歲饑。人相食。朗收卹宗族。教訓禮節。不爲衰世解業。年二十二。曹操辟爲司空掾。出爲堂陽長。其治務寬惠。不行鞭朴。而民不犯禁。先是。民有徙籍都內者。後縣調當作船。徙民恐其不辦。乃相率私還助之。其誠感如此。入爲丞相主簿。朗以爲天下土崩之勢。由秦滅五等之制。而郡國無蒐狩習戰之備。今雖未可復行。可令州郡竝制兵。外備四夷。內威不軌。又以爲宜復井田。往者以民各有累世之業。難中奪之。今承大亂之後。民人分散。土業無主。皆爲公田。宜及此時復之。議雖未及施行。然州郡領兵。議自朗始。遷兗州刺史。政化大行。百姓稱之。建安二十二年。與夏侯惇、臧霸等伐孫權。到居巢。會大疫。遇疾卒。時年四十七。同邑司馬芝者。字子華。少爲諸生。避亂荊州。于魯陽山遇賊。同行者皆棄老弱走。芝獨坐守老母。賊至以刃臨之。芝叩頭曰。母老。惟在諸君。賊相謂曰。此孝子也。殺之不義。卒免于禍。以鹿車載母。居南方十餘年。躬耕守節。曹操取荊州。以爲管長。時天下大亂。多不奉法。郡主簿劉節豪俠。賓客千餘家。出爲盜賊。入亂吏治。會郡檄縣發兵。而節客王同等當爲兵。掾吏白節家未嘗給繇。芝不聽。兵已集郡。而節果藏同等。陰令督郵以軍興詭責縣掾史。恐乞代同行。芝馳檄濟南。具陳節罪。太守郝光素敬信

芝卽以節代同行。青州謂芝以郡主簿爲兵。累遷大理正。有盜官練。置都廁上者。吏疑女工。收繫之獄。芝曰。夫刑法之失。失在苛暴。今賊物先獲。而後訊其辭。若不勝其掠。或至誣服。誣服之情。不可以折獄。且簡而易從。大人之化。不失有罪。庸世之治耳。今宥所疑。以隆易從之義。不亦可乎。操從其議。歷甘陵。沛。陽平。太守。所至有稱。入爲河南尹。抑強植弱。私謁不行。中官嘗欲以事託之。而不敢言。因其妻之伯父董昭。猶憚之不爲通。門下循行。有疑門幹盜簪。幹不服。芝教曰。凡物有相若而難辨者。人非離婁。鮮能不惑。就其實。然循行何忍重惜一簪。輕傷同類乎。寢勿問。曹叡時。賜爵關內侯。居官十一年。數議科條所不便者。尋以公事免。復爲大司農。性亮直。不矜廉隅。與賓客談論。有不可意。面折其短。退無異言。卒。官子岐。累遷廷尉。剛正有父風。





# 續後漢書卷第四十

## 魏載記第七

田疇

田疇字子泰。右北平無終人。好讀書。善擊劍。董卓遷帝長安。幽州牧劉虞歎曰。賊臣作亂。朝廷播蕩。身爲宗室遺老。今欲奉使。展效臣節。安得不辱命之士乎。衆以疇對。時年二十二。虞備禮見之。辟爲從事。具車騎將行。疇乃選其家客。與年少之慕從者二十騎俱往。旣取道。乃更上西關出塞。傍北山直趨朔方。從間道到長安。致命詔拜騎都尉。疇以天子方蒙塵。不敢佩荷榮寵。固辭不受。朝廷高其義。三府竝辟。皆不就。旣還。虞已爲公孫瓚所害。乃謁虞墓。卒事哭泣而去。瓚聞之大怒曰。汝何哭劉虞墓。而不送章報于我。疇對曰。漢室衰頹。人懷異心。惟劉公不失忠節。章報所言。于將軍不美。恐非樂聞。故不進也。且將軍方舉大事。以求所欲。旣滅無罪之君。又讐守義之臣。臣恐燕趙之士。皆將蹈東海而死耳。豈忍從將軍者乎。瓚壯其對。釋不害。猶拘之軍中。或說瓚曰。田疇義士。君弗能禮。而又囚之。恐失衆心。乃縱遣。疇得北歸。帥宗族及他附從者數百人。掃地而盟曰。君仇不報。吾不可立于世矣。遂入徐無山中。營深險。平敞地而居。躬耕以養父母。百姓歸之五千餘家。乃爲要束。使不相犯。又制爲昏嫁之禮。興學校以講授。衆皆便之。至道不拾遺。北邊翕然服其威信。袁紹父子數遣使辟召。皆不行。疇常忿烏丸。每賊殺其郡之冠蓋。有欲討之意。

建安十二年。會曹操伐烏丸。未至。遣使辟疇。遂隨使者至軍。署司空戶曹掾。令曰。田子泰。非吾所宜吏者。卽舉茂才。拜蓐令。不行。從軍至無終。時方夏水潦。而瀕海洿下。澇滯不通。虜亦遮守蹊要。軍不得進。操患之。以問疇。疇曰。此道秋夏常水。淺不通車馬。深不載舟船。舊北平郡治在平岡。道出盧龍。達于柳城。自建武以來。陷壞斷絕。垂二百載。而尙有微徑可通。今虜以大軍。當由無終不得進。而懈弛無備。若回軍從盧龍口。越白檀之險。出空虛之地。路近而便。襲其不備。蹋頓之首。可不戰而致也。操從之。乃引軍還。而署大木表于水際路旁。曰。方今夏暑。道路不通。且俟秋冬復進軍。虜候騎見之。誠以爲軍去也。操乃令疇將兵爲鄉導。上徐無山。出盧龍。歷平岡。登白狼堆。去柳城二百餘里。虜乃覺。單于自臨陳。大敗之。斬獲追奔。遂至柳城。軍還入塞。論功封亭侯。疇自以始由避難。帥衆遁逃。志義不立。反以爲利。非本意也。固辭。操知其誠許之。遼東斬送袁尙首。操令三軍敢有哭者。斬。疇以嘗爲尙所辟。乃往弔祭。操亦不問。從攻荊州還。操追念疇功。復申前命。疇上疏陳誠。以死自誓。操不聽。至于數四。終不受。疇素與夏侯惇善。操令以私情諭之。無告我意也。惇問之曰。疇負義逃竄之人耳。蒙恩得全。豈可賣盧龍之塞。以易賞祿哉。縱國私疇。疇獨不愧于心乎。將軍雅知疇者。猶復如此。若必不得已。請效死于前。言未卒。涕泗橫流。惇具以告。操知不可。屈。乃拜議郎。年四十六卒。

王修

王修字叔治。北海營陵人。年七歲。母以社日亡。來歲里中社。修念母哭泣哀甚。里中爲之輟社。年二十。游

學南陽。止張奉舍。奉舉家疾。無相視者。修親隱卹之。疾愈。乃去。初平中。孔融召爲主簿。守高密令。高密孫氏素豪俠。客數犯法。民有被劫者。賊入孫氏。吏不能執。修將吏民圍之。孫氏拒守。吏民畏憚不敢近。乃令吏民敢有不攻者。與同罪。孫氏懼。乃出賊。自是豪強懾服。舉孝廉。遜邴原。融不聽。會時方亂。道梗不行。頃之郡中有反者。修聞夜奔赴融所。賊初發。融謂左右曰。能冒難來。惟王修耳。言終而修至。時膠東多盜。復令守膠東令。至則斬其強宗公沙盧等。撫慰其餘。由是盜賊衰息。融每有難。雖休于家。無不卽至。融常賴修以免。袁譚在青州。辟爲治中從事。別駕劉獻數毀短修。後獻以事當死。修理之得免。人以此多之。轉別駕。袁尙攻譚。譚軍敗。修率吏民往救。譚欲攻尙。修諫曰。兄弟還相攻擊。敗亡之道也。譚不說。然知其忠節。後又問修計將何出。修曰。夫兄弟左右手也。譬人將鬪而斷其右手。而曰。我必勝可乎。夫棄兄弟而弗親。天下其誰親之。屬有讒人交構其間。以求一朝之利。願明使君勿聽也。若斬佞臣數人。復相親睦。可以得志天下。譚不聽。後曹操攻譚于南皮。修時轉餉在樂安。聞譚急。將所領兵馳赴。至高密。聞譚死。下馬號慟。曰。無君焉歸。遂詣操。乞收葬。譚操聽之。袁氏政寬。在職勢者多蓄聚。操破鄴。籍審配等家貲。以萬數。及破南皮。閱修家穀。不滿十斛。有書數百卷。操歎曰。士不妄有名。乃辟爲司空掾。行司金中郎將。遷魏郡太守。仆強植弱。信賞必罰。百姓稱之。操稱魏王。爲大司農郎中令。時議行肉刑。修以爲未可。徙奉常。嚴才謀變。夜攻掖門。修聞亂。將官屬至宮門。操在銅雀臺望見曰。彼來者必王叔治也。相國鍾繇謂修曰。舊京城有變。九卿各居其府。修曰。食其祿焉避其難。居府雖舊制。非赴難之義。頃之病卒。子儀字文表。高亮雅正。爲

司馬昭安東司馬。以抗直爲昭所害。儀子哀。字偉元。少立操尙。痛父非命。終身不仕。事皆見晉史。

常林

常林字伯槐。河內溫人。年七歲。有父黨造門。問林伯先在否。汝何不拜。對曰。臨子字父。何拜之有。性嗜學。帶經耕鋤。其妻饑之。雖在田中。相敬如賓。少單貧。非勤所及。不取于人。刺史梁習。薦州境名士楊俊。王淩。王象。荀偉。及林于曹操。操皆以爲縣長。林宰南和。以政最超。遷博陵太守。幽州刺史。所至著稱。子丕篡漢。遷少府。封樂陽亭侯。轉大司農。曹叡初。進封高陽鄉侯。徙光祿勳。太常。司馬懿以林鄉里耆德。每爲之拜。或曰。司馬公貴重。君宜止之。林曰。司馬公自欲崇長幼之序。爲後生之法。貴非吾之所畏。拜非吾之所制也。時論以林操尙清峻。欲置之公輔。林遂稱疾篤。拜光祿大夫。年八十三卒。時馮翊吉茂。河間沐竝。鉅鹿時苗。皆與林齊名。茂字叔暢。好學。不恥惡衣惡食。而恥一物之不知。建安初。與扶風蘇則。隱居南山。州舉茂才。除臨汾令。居官清靜。吏民不忍欺。累遷議郎。卒。竝字德信。爲人公。而果。不畏強禦。曹操召爲軍謀掾。曹芳時爲三府長史。孫權將朱然。諸葛瑾。攻圍樊城。遣船兵于峴山東斫材。牂柯軍人作食。有先熟者。呼後熟者共食。後熟者不往。呼者曰。汝欲作沐德信耶。其名流遠方如此。當時不知。皆以爲前世人也。累遷濟陰太守。召拜議郎。年六十餘。自作終制。以戒其子。苗字德胄。清白自守。性尤疾惡。爲壽春令。令行風靡。始之官。乘輦車。犉牛。歲餘。牛生一犢。謂主簿曰。令來時無此犢。犢乃淮南所生。吏曰。六畜不識父。自當隨母。苗不聽。時人以爲矯。由此名聞天下。累遷典農中郎將。然性剛褊。初爲壽春時。嘗謁治中蔣濟。濟嗜酒。

適醉不能見苗。悲忿刻木爲人。書曰：酒徒蔣濟。置牆下。朝夕射之。後濟官太尉。亦不以苗毀己爲嫌。

### 和洽

和洽字陽士。汝南西平人。避亂客武陵。曹操略地荊州。辟爲丞相掾。時毛玠、崔琰典選舉。先尙儉節。洽曰：天下大器。在位與人。不可以節拘也。儉素過中。自以處身。則可以此律人。所失或多。今朝廷之議。吏有衣新衣。乘好車者。謂之不清。長吏形容不飾。衣裘敝壞者。謂之廉潔。至令士大夫。故垢汚其衣。藏其輿服。朝府大吏。至自挈壺飧。以入官寺。夫立教觀俗。貴處中庸。爲可繼也。今崇一概難堪之行。以檢殊塗。勉而爲之。必至罷瘁。古之大教。務在通人情而已。凡激詭之行。則容隱僞矣。操稱魏王。拜侍中。後有白毛玠、譖毀操者。操怒甚。洽陳玠素行有本。求按實其事。且曰：玠誠有謗主之言。當肆之市朝。若無此事。言者加誣。大臣以誤主聽。二者不加檢覈。臣竊不安。操克張魯。洽陳便宜。以時拔軍徙民。可省置守之費。操不卽從。其後竟徙民。棄漢中。出爲郎中令。子丕篡漢。爲光祿勳。封安城亭侯。曹叡初進封西陵鄉侯。時散騎常侍高堂隆奏：時風不至。而有休廢之氣。必有司不勤職事。以失天常也。叡于是引咎。博咨異同。洽以民希耕少。浮食者多。國以民爲本。民以穀爲命。自春夏以來。民窮于役。農業有廢。百姓囂然。時風不至。未必不由此也。消伏之術。莫大于節儉。轉太常。清貧守約。至賣田宅以自給。叡聞之。加賜粟帛。卒。

### 楊阜

楊阜字義山。天水冀人。以討馬超之功。曹操賜爵關內侯。累遷武都太守。郡濱漢中。阜卽依龔遂故事。安

之而已。會昭烈取漢中，以逼下辨。操以武都孤遠，欲徙其民，恐其戀土。阜威信素著，前後徙民，使居京兆，扶風者萬餘家，徙郡小槐里。百姓襁負從之，爲政務舉大綱，下不忍欺。曹丕問劉曄等：武都太守何如人也？皆稱阜有公輔之節，未及召用而不死。曹叅初徵爲城門校尉，叅嘗著帽，被縹綾半衰。阜問曰：此于禮何法服也？叅默然。自是不法服不見阜。遷將作大匠，時大治宮室，發美女以充後庭，數出弋獵，大雨雹，上疏諫。叅嘉納，遷少府。又上疏曰：昔邵信臣爲少府，于無事之世，而奏罷浮食，今者軍用不足，益宜節用。叅令羣臣議政，令不便于民者，阜以爲致治在于任賢，典國本于務農，若舍賢而任所私，則忘治之甚者也。廣開宮館，高爲臺榭，以妨民務，此害農之甚者也。文俗之吏，爲政不通治體，苟好煩苛，此亂民之甚者也。百工不厚其器，而競作奇巧，以合上意，此傷本之盛者也。當今之急，宜去四甚，竝詔公卿郡國舉賢良方正之士，而選用之，此亦求賢之一端也。又上疏欲省宮人之不見幸者，乃召御府吏問後宮人數，吏守舊令對曰：禁密不得宣露。阜怒杖吏一百，數之曰：國家不與九卿爲密，反與小吏爲密乎？叅聞而愈敬憚之，尋死。

辛毗

辛毗字佐治，潁川陽翟人。隨兄評從袁紹，紹卒，其子尙攻其兄譚于平原。譚使毗求援于曹操，時操將攻荊州，次西平，毗見操，致譚意，操大悅。後數日，更欲先攻荊州，使譚尙自相敵，他日置酒，毗知操意變，以語郭嘉。嘉以白操，操謂毗曰：譚可信尙必可克否？毗曰：明公無問信與詐也，直當論其勢耳。袁氏兄弟本相

攻非謂他人能間其間。乃謂天下可定于己也。今一旦求救于明公。乃可知也。顯甫見顯思困而不能取。此力竭也。兵革敗于外。謀臣誅于內。兄弟讒閱。國分爲二。連年攻伐。加以饑饉。天災見于上。人事應于下。此乃天亡尙之時也。今往攻鄴。尙不還救。卽不能自守。還救則譚踵其後。以明公之威。應窮困之敵。擊罷敵之寇。無異迅風之振秋葉。天以袁尙與明公。明公不取。而伐荊州。荊州豐樂。國未有釁。仲虺有言。取亂侮亡。今二袁不務遠略。而內相圖。可謂亂矣。居者無食。行者無糧。可謂亡矣。朝不謀夕。民命靡繼。而不綏之。欲待他年。他年或登。又自知亡而改修厥德。失所以用兵之要矣。今因其請救而撫之。利莫大焉。且四方之寇。莫大于河北。河北平。則六軍盛。而天下震。操曰善。乃許譚平。次于黎陽。明年攻鄴。克之。表毗爲議郎。久之。操遣都護曹洪屯下辨。使毗與曹休參其軍事。還爲丞相長史。子丕篡漢。遷侍中。賜爵關內侯。丕欲徙冀州士家十萬戶實河南。時旱蝗。羣司以爲不可。而丕意甚銳。毗入諫。丕曰。卿謂我徙之非邪。毗曰。誠以爲非也。丕曰。吾不與卿議矣。毗曰。臣所言非私也。社稷之慮也。安得怒臣。丕不答。起入內。毗隨而引其裾。丕奮衣而入。良久出曰。佐治。卿持我何太急邪。毗曰。今徙旣失民心。又無以食之。遂徙其半。嘗從丕射雉。丕曰。射雉樂乎。曰。于陛下樂甚。而于羣下甚苦。丕默然。後爲之希出。丕欲攻孫權。毗諫曰。方今天下新定。士廣民希。夫廟算而後出軍。猶臨事而懼。況今廟算有闕。而欲用之。未見其利也。丕不從。竟無功。而還。曹叡立。進封潁鄉。時中書監劉放。令孫資用事。羣臣莫不趨之。毗獨不往。其子敞以爲言。毗正色曰。吾之立身。自有本末。就與孫劉不平。不過令吾不作三公而已。何害之有。大丈夫欲爲公。而毀其高節者邪。



竟爲孫劉所毀。出爲衛尉。叡方營殿舍。百姓勞怨。又欲平北邙。而于其上作臺觀。以望孟津。毗諫曰。天地之性。高高下下。今而反之。旣非其理。加以勞人。民不堪命。叡乃止。丞相諸葛亮。以王師來討。出渭南。先是司馬懿數請拒之。叡終不聽。至是使毗持節爲懿軍師。節度諸軍。以抗王師。會亮薨。復還爲衛尉。卒。贊曰。疇初立義。而不能踐言于後。修始若不負袁氏。而終于從操。林名德自居。洽議論不矯。而託身非所。身蓋忠於所事者。毗賣二袁于曹操。以爲進身之階。此姦人之雄。烏足道哉。

續後漢書卷第四十一

魏載記第八

賈逵

賈逵字梁道。河東襄陵人。初爲郡吏。守絳邑長。郭援之攻河東。所過城邑皆下。逵獨堅守。援攻之不拔。乃引單于并兵急攻。城將潰。絳父老與援要不害逵。旣下。援聞其名。欲使爲將。以兵劫逵。不爲動。左右引逵使叩頭。逵叱曰。安有國家長吏爲賊叩頭。援怒。將斬之。絳吏民聞將殺逵。皆乘城呼曰。負要殺我賢君。願俱死耳。左右義逵。多爲請。乃囚于壺關。置土窖中。以車輪覆其上。使人固守。逵從土窖中。謂守者曰。此間無健兒耶。而使義士死于此乎。有祝公道者。與逵非故人。適聞其聲。憐其守正。乃夜潛往引出。破械遣去。初。逵過皮氏。曰。爭地先據者勝。及圍急。知不免。乃使人間行。送印綬歸郡。且曰。急據皮氏。援旣并絳。將進兵。逵恐其先得皮氏。乃以它計疑援謀士祝奧。援由是留七日。郡從逵言。故得不敗。援旣亡。乃知前出己者。爲祝公道。公道河南人。後坐法當死。逵救之力。不能得。爲之改服。後舉茂才。除灑池令。以喪祖父去官。曹操攻馬超。至宏農。曰。此西道之要。以逵領太守。與語說之。謂左右曰。使天下二千石。皆如賈逵。吾何憂。尋爲丞相主簿。操攻漢中。先遣逵。至斜谷。觀形勢。道逢水衡。載囚人數十車。逵以軍事急。斬竟重者一人。而釋其餘。操善之。拜諫議大夫。與夏侯尚。竝掌軍事。子丕代操爲丞相。以爲魏郡太守。從丕至黎陽津。渡

者亂行。斬之。乃整。至譙。以爲豫州刺史。時大亂之後。州郡多不相攝。達曰。州本以御史出監諸郡。以六條詔書。察長吏二千石以下。故其狀皆言。嚴能鷹揚。有督察之才。不言安靜寬仁。有豈悌之德也。今長吏慢法。盜賊公行。州知而不糾。天下復何取正乎。其二千石以下。阿縱不如法者。皆奏免之。丕曰。真刺史。州南與吳接。達明斥候。繕甲兵。爲守戰備。敵不敢犯。外修軍政。內治民事。遏鄆汝。造新陂。又斷山溜。長谿水。造小弋陽陂。又通運渠二百餘里。所謂賈侯渠是也。俄與諸軍攻孫權。破呂範于洞浦。封陽里亭侯。加建威將軍。曹叡時。孫權在東關。東關當豫州南。去江四百餘里。權每出兵攻魏。輒西從江夏。東從廬江。而魏之出師。亦由淮。沛是時。州軍在項。汝南。弋陽。諸郡守境而已。權無北方之虞。東西有急。并軍相救。故常少敗。達以爲宜開直道臨江。若權自守。則二方無救。若二方無救。則東關可取。乃移屯潦口。陳攻取之計。叡善之。使督滿寵。胡質等四軍。從西陽直向東關。曹休從皖。司馬懿從江陵南侵。達至五將山。休表求深入。叡令懿駐軍。達東與休合進。達度吳無東關之備。必并兵于皖。休深入與敵戰。必敗。乃部署諸將。水陸竝進行。二百里。得生口。言休大敗。權遣兵斷夾石。諸將不知所出。或欲待後軍。達曰。休兵敗于外。路絕于內。進不能戰。退不能還。安危之機。不及終日。敵以軍無後繼。故至此。今疾進出其不意。此所謂先人以奪其心也。敵見吾軍必走。若待後軍。敵已斷險。兵雖多何益。乃兼道而行。多設旗鼓爲疑兵。敵見達兵遂退。達據夾石。以兵糧給休。休軍乃振。初。達與休不相能。曹丕欲假達節。休曰。達性剛。素侮易諸將。不可爲督。丕乃止。及夾石之敗。微達。休無噍類。病篤。謂左右曰。受國厚恩。恨不得斬孫權以報。子充。字公閭。爲中護軍。爲

司馬昭弑曹髦者。

蘇則

蘇則字文師。扶風武功人。少以學舉。孝廉。茂才。辟公府。皆不就。性剛直。疾惡。慕汲黯之爲人。歷酒泉、安定、武都太守。所在有威名。曹操攻張魯。過其郡。與語說之。徙爲金城太守。時喪亂之後。吏民流徙。飢窮。則極意撫循。流民來歸。旬月得數千人。勸之力穡。是歲大稔。西平麴演等叛。討平之。加護羌校尉。關內侯。進封都亭侯。召拜侍中。與董昭同僚。昭嘗臥枕則膝。則推下之曰。蘇則之膝。非佞人之枕也。初則與丕弟植。聞丕代漢。皆悲哭。時丕但聞植所爲。而不聞則也。嘗從容語其下曰。吾應天授禪。而聞有哭者何也。則謂爲見問。鬚髯盡張。欲正論以對。侍中傅巽肘則曰。不謂卿也。乃止。丕問則曰。前破酒泉。張掖。西域。通使燉煌。獻徑寸珠。可復求市否。對曰。若化洽中國。德流沙漠。不求自至。求而得之。不足貴也。丕默然。後從丕獵。槎桎拔失鹿。丕大怒。據胡牀。拔刀悉收督吏。將斬之。則曰。臣聞古之聖王。不以禽獸害人。今以獵戲。多殺羣吏。臣以爲不可。敢以死請。丕曰。卿直臣也。皆赦之。然以此見憚。左遷東平相。道病卒。

任峻

任峻字伯達。河南中牟人。時天下大亂。與同郡張奮。舉郡歸曹操。操以爲騎都尉。妻以從妹。每出戰。峻常居以給軍。時歲饑。軍食不足。羽林監棗祗。建置屯田。操以峻爲典農中郎將。祗爲屯田都尉。數年中。所在積粟。倉廩皆實。官渡之役。峻典糧。賊數鈔絕糧道。乃使千乘爲一部。十道方行。爲復陳以營衛之。敵不敢

近軍國之饒。始於棗祗。而成于峻。操以峻有功。封都亭侯。遷長水校尉。峻寬厚有度。而見理明。每有所陳。操常稱善。建安九年卒。棗祗者。潁川人。本姓棘。其先避仇改焉。仕至陳畱太守。孫據。字道彥。仕晉。

張既

張既字德容。馮翊高陵人。舉茂才。除新豐令。治爲三輔第一。曹操以爲議郎。使參鍾繇軍事。累遷京兆尹。招懷流民。興復縣邑。百姓懷之。操稱魏王。召爲尙書。出爲雍州刺史。操謂曰。還君本州。可謂衣錦晝行矣。從攻張魯。說操拔漢中民數萬家。以實長安。其後操欲拔漢中守軍。恐昭烈北取武都氏。以逼關中。以問既。既曰。可勸使北就穀避敵。前至者厚其賞。則先者知利。後必慕之。操從其策。乃自到漢中。引出諸軍。令既之武都。徙氏五萬餘落。出居扶風。天水界。是時不置涼州。自三輔抵西域。皆屬雍州。子丕時。初置涼州。以安定太守鄒岐爲刺史。張掖張進。執郡守。舉兵拒岐。酒泉黃華。西平麴演。各逐太守。舉兵以應之。既進兵。爲護羌校尉。蘇則聲勢。故則得以有功。進爵都鄉侯。涼州盧水胡叛。河西大擾。丕憂之曰。非既莫能安涼。乃以既代鄒岐爲刺史。既至。大破胡。斬首獲生以萬數。丕說進封西鄉。酒泉蘇衡。與羌豪鄰戴及丁。令胡萬餘騎攻邊。既與夏侯儒擊破之。遂上疏。請與儒治左城。築障塞以備胡。西羌恐。帥衆二萬餘落降。既臨二州十餘年。善政藹聞。其所禮辟。扶風龐延。天水楊阜。安定胡遵。酒泉龐涪。燉煌張恭。周生烈等。後皆爲時用。建興初年卒。子緝。字敬仲。以女妻曹芳。拜光祿大夫。位特進。憤司馬師專國。與中書令李豐等謀誅之。事泄遇害。語在夏侯玄傳。

杜襲

杜襲字子緒。潁川定陵人。鍾繇表爲議郎。荀彧薦于曹操。操以爲丞相軍謀祭酒。操稱魏王。以爲侍中。與王粲和洽。竝列從攻張魯。道拜駙馬都尉。甯督漢中軍事。綏懷開導。百姓自樂出徙。雜糶者八萬餘口。夏侯淵爲昭烈所殺。軍喪元帥。將士失色。襲與張郃等糾攝軍事。權宜以郃爲督。以一衆心。操還。當選甯府長史。鎮守長安。而所選多不當。操曰。釋騏驥而不乘。焉皇皇而更索。遂以爲甯府長史。時關中營帥許攸擁部曲不附操。而有謾言。操大怒。欲攻之。羣下皆諫。操橫刀于膝不聽。襲入欲諫。操逆謂之曰。吾計已定。卿勿復言。襲曰。方今豺狼當道。而狐狸是先。人謂公避強攻弱。進不爲勇。退不爲仁。臣聞千鈞之弓。不爲鼷鼠發機。萬石之鐘。不爲莛撞起音。今區區許攸。何足勞神武哉。操遂厚撫攸。攸卽歸附。子丕篡漢。爲督軍糧御史。武平亭侯。入爲尙書。曹叡時。進封平陽鄉侯。卒。有趙儼者。字伯然。避亂荊州。與襲同居處。通有無。建安二年。詣操。操以爲朗陵長。曹芳時。積官至司空。初儼與襲及辛毗。陳羣。皆同郡知名。時號辛。陳。杜。趙。云。

高柔

高柔字文惠。陳畱圉人。曹操以爲刺姦令史。議法平允。夙夜匪懈。至擁膝抱文書而寢。操夜嘗出。微察諸吏。見柔假寐。徐解裘覆之而去。尋爲丞相倉曹屬。轉理曹掾。子丕篡漢。賜爵關內侯。加治書執法。遷廷尉。不以宿憾。欲枉法殺鮑助。柔固執不從。曹叡初。封延壽亭侯。時大興宮殿。百姓勞役。博采美女以充後宮。

柔上疏諫。叡嘉納。護軍營士竇禮。近出不還。主將以爲亡。表言逐捕。沒其妻盈。及男女爲官奴婢。盈連至州府訴冤。莫有省者。乃詣廷尉。柔問曰。汝何知夫不亡。盈泣對曰。夫少單特。養一老嫗爲母。事之甚謹。又哀兒女。非輕狡不顧家者。柔復問曰。汝夫不與人有怨乎。對曰。夫良善。與人無仇。又曰。汝夫不與人交錢財乎。對曰。嘗出錢與同營士焦子文。屢求不獲。時子文適繫獄。柔乃引子文問所坐。徐曰。汝頗曾舉人錢不。子文曰。自以單貧。初不假貸于人。柔察其色動。乃曰。汝昔曾舉竇禮錢。何言不耶。子文情駭。應對失敘。柔曰。汝已殺禮。宜卽首服。子文情得。叩頭具首。殺禮本末。藏瘞所在。乃以其事聞于叡。復盈母子爲平民。仍頒其獄于境內。以禮爲戒。在官二十三年。轉太常。旬日遷司空。復徙司徒。曹髦立。封安國侯。轉太尉。卒。時年九十。有王觀者。字偉臺。東都廩丘人。與柔同時仕進。累遷涿郡太守。曹叡時。會郡縣條爲劇中平者。主者欲言郡爲中平。觀曰。何不爲劇。主者曰。若郡爲外劇。恐于明府有任子之責。觀曰。夫君所以爲民也。今郡在外劇。則于役條當有所降差。豈可以太守之私。而負一郡之民乎。後送任子詣鄴。時觀惟一子。而又幼弱。其公如此。累遷少府。曹髦時。封中鄉亭侯。轉右僕射。曹奐初。遷司空。卒。

劉放

劉放字子棄。涿郡人。漢廣陽順王子。西鄉侯宏後也。遭亂。依漁陽王松。後說松歸曹操。又爲松答操書。其文甚麗。操旣善之。又聞其說松。由是辟參司空軍事。操稱魏王。與太原孫資。俱爲祕書郎。參丞相軍事。子不篡漢。放資爲左右丞。數月。放徙爲令。改祕書爲中書。以放爲監。資爲令。各加給事中。放關內侯。資關中



侯。竝掌機密。曹叡立。尤見寵任。同加散騎常侍。放西鄉侯。資樂陽亭侯。漢丞相諸葛亮。出屯南鄭。議者以爲可大發兵就攻之。叡以問資。資曰。昔武皇攻南鄭。取張魯。陽平之役。危而後濟。又自往救。出夏侯淵軍。數言南鄭直爲天獄。中斜谷道。爲五百里石穴耳。言其深險。喜出淵軍之辭也。今若進軍南鄭。道旣險阻。計用精兵。又轉運鎮守南方四州。遏禦水賊。凡用十五六萬人。後當更有所發興。天下騷動。費力廣大。此誠陛下所宜深慮。叡乃止。資進封左鄉侯。放善爲書檄。一時命令。多出其手。孫權與諸葛亮約。同舉伐魏。邊候得權書。放乃改易其辭。而傅合之。與征東將軍滿寵。若欲歸誠。封以示亮。亮膽其書。與權將步騭等。隲以示權。權懼亮自疑。深自解說。是歲俱加侍中。光祿大夫。遼東平。以參謀議。各進爵。封本縣。放方城。資中都。會曹叡病。欲以曹宇爲大將軍。及領軍將軍夏侯獻。武衛將軍曹爽。屯騎校尉曹肇。驍騎將軍秦朗。共輔政。宇性恭良。陳誠固辭。叡引放。資入臥內。問曰。燕王正爾爲放。資對曰。燕王自知不堪大任。故耳。叡曰。爽可代宇否。放資因贊成之。又力陳宜速召太尉司馬懿。以綱維皇室。叡納其言。卽以黃紙授放。資。放資旣出。叡意復變。令止獨召爽。與放。資俱受遺令。遂免宇。獻肇。朗。官。太尉懿亦至。登牀受遺令。已而叡死。先是放。資。久典機密。獻肇不能平。殿中有雞栖樹。二人相謂。此亦久矣。其能復幾。指謂放。資。放。資懼。故勸叡召司馬懿。及稱贊曹爽。而抑退獻肇等。曹氏之亡。禍基于此。曹芳旣立。加放左光祿大夫。資右光祿大夫。金印紫綬。儀同三司。放轉驃騎將軍。資衛將軍。領監令如故。後各年老辭位。以列侯朝朔望。位特進。爽死。復以資爲侍中。領中書令。建興十三年。放卒。資復免。尋卒。放資旣善阿旨。又未嘗顯言得失。抑辛毘。

而助王思。以是獲譏于世。然亦密陳損益。不專道諛云。放子正。資子宏。爲南陽太守。宏子楚。字子荆。贊曰。蘇則聞獻帝之廢。而悲不自勝。詰董昭之佞。而義形于色。凜凜有古烈士風。然終不免撓節于曹氏。惜哉。

# 續後漢書卷第四十二

## 魏載記第九

張遼

張遼字文遠。雁門馬邑人。本聶壹之後。以避仇變姓。呂布以爲騎都尉。布敗歸曹操。以中堅將軍。從攻袁譚。袁尙。譚尙。破。復平遼東。柳毅等還鄴。操自出迎。引與共載。拜盪寇將軍。從攻袁尙于柳城。卒與虜遇。遼請戰。氣銳甚。操壯之。自以所持麾授遼。遂大破之。斬單于蹋頓。初。操將攻柳城。遼諫曰。夫許天下之會也。今天子在許。而公遠出。若劉表遣劉玄德襲許。據之以號令四方。公之事去矣。操策表必不能任玄德。遂行。時荊州未定。復遣屯長社。臨發。軍中夜有謀變者。火起。一軍盡擾。遼謂左右。勿動。是不一營盡反。必有造變者。欲以亂動人耳。乃令軍中。其不反者安坐。遼將親兵數十人。中陳而立。有頃。乃定。卽得首謀者。殺之。陳蘭。梅成。以氐六縣叛。操遣于禁。臧霸等討成。遼督張郃。朱蓋等討蘭。成僞降。禁。禁還。成遂將其衆與蘭合。轉入瀟山。瀟中有天柱山。高二三十餘里。道險狹。步徑纒通。蘭等壁其上。遼欲進兵。諸將以爲道險難入。遼曰。此所謂一與一。勇者得前耳。遂進至山下。攻之。斬蘭。成。盡俘其衆。操論諸將功。曰。登天山。履峻險。以取蘭。成。盪寇功也。使與樂進。李典等。將七千餘人。屯合肥。操攻張魯。教與護軍薛悌。署函邊曰。賊至乃發。俄而孫權帥衆十萬圍合肥。乃共發教曰。若孫權至者。張李二將軍出戰。樂將軍守。護軍勿得與戰。諸

將皆疑。遼曰：公遠征在外，比救至，彼破我必矣。及其未合，逆擊之，折其威勢，以安衆心。然後可守也。成敗之機，在此一戰。諸君何疑？李典意與遼同。于是夜募敢從之士，得八百人，椎牛饗士，明日出戰。平旦，遼被甲執戟，先登陷陳，殺數十人，斬二將，大呼自名，衝壘入，至權麾下。權大驚，衆皆走高隴。以長戟自衛，望見遼所將兵少，乃聚圍遼數重。遼左右麾圍，直前急擊，圍開。遼將麾下數十人得出，餘衆號呼曰：將軍棄我乎？遼復還突圍，援出餘衆。自旦戰至日中，吳人奪氣，還修守備。衆心乃安。諸將咸服。權駐合肥十餘日，城不可拔，乃引去。遼帥諸將追擊，幾獲之。拜征東將軍。建安二十一年，操至合肥，按行遼戰處，歎息良久，增其軍，徙屯居巢。子丕篡漢，封晉陽侯。嘗問所以破吳狀，顧左右曰：此亦古之召虎也。爲起第舍，又特爲其母作殿。後復與諸將破權將呂範，卒于江都。樂進者，字文謙，陽平衛國人，軀幹短小，以膽力稱。從操爲帳下吏，操表爲陷陳都尉，封廣昌亭侯。與遼屯合肥有功，增封邑。建安二十三年卒。李典者，字曼成，山陽鉅野人。操以爲裨將軍。劉表使昭烈北伐，至葉，操遣典從。夏，侯惇拒之，昭烈燒屯去。惇帥諸將追之，典曰：敵無故退，疑必有伏。南道狹險，草木蔽翳，不可追也。惇不聽。與于禁追之，典固守。惇等果遇伏，大敗。會典救至，昭烈乃去。遷捕虜將軍，封都亭侯。典宗族部曲三千餘家，居乘氏。請徙魏郡，操笑曰：卿欲慕耿純耶？遷破虜將軍，合肥之役，典與遼進，皆素不睦。遼恐其不與己同意，典慨然曰：此國家大事，顧君計何如耳。吾不可以私憾而忘公義。乃帥衆與遼破走敵軍。典好學問，貴儒雅，不與諸將爭功。敬賢士大夫，恂恂若不及。軍中稱其長者。年三十六卒。臧霸者，字宣高，泰山華人。與遼等皆從呂布，布敗歸操，以爲琅琊相。操之

在兗州。以徐翕、毛暉爲將。兗州亂。翕、暉皆叛。既定。二人亡命投霸。操謂昭烈語霸送二人首。霸曰。霸所以能自立者。以不爲此也。霸受曹公生全之恩。不敢違命。然王伯之君。可以義告。願將軍爲之辭。昭烈以霸之言告操。操歎息謂霸曰。此古人之事。而君能行之。孤之願也。乃以翕、暉爲郡守。時操與袁紹相拒。而霸數以精兵入青州。故操得專事紹。不以東方爲憂。封都亭侯。加威虜將軍。遷徐州刺史。與遼東拒孫權于濡須口。拜揚威將軍。假節。復與夏侯惇等屯居巢。子丕時遷鎮東將軍。進封開陽。徙封良成。與曹休破呂範于洞浦。召爲執金吾。位特進。卒。

### 張郃

張郃字儁乂。河間鄭人。爲袁紹中郎將。官渡之役。紹使與高覽攻曹操營。郃叛紹歸操。紹衆于是大潰。操以爲偏將軍。從攻袁尙于鄴。拔之。操旣降張魯。畱郃與夏侯淵守漢中。拒昭烈。淵歿于陳。郃還陽平。是時新失元帥。恐爲敵所乘。三軍失色。乃推郃爲軍主。衆心始安。操聞。遽自至漢中。引出諸軍。郃還屯陳倉。子丕篡漢。以爲左將軍。封鄭侯。曹叡時。漢丞相諸葛亮出祁山。郃與亮前鋒馬謖戰于街亭。敗之。後亮復出祁山。至木門。與亮戰。軍敗死焉。于禁者。字文則。泰山鉅平人。累拜虎威將軍。與郃及張遼等討梅成。陳蘭成降。已而復叛。奔蘭。遼等與蘭相持。軍食少。禁運餉前後相屬。遂擒蘭等。時禁與張郃及張遼、樂進、徐晃俱爲名將。操每攻伐。迭爲軍鋒。建安二十四年。關羽圍曹仁于樊。使禁帥諸軍往救仁。會大霖雨。平地水數丈。禁七軍皆歿。禁遂降羽。操聞之曰。吾知禁三十年。何意臨危處難。不及龐德耶。後孫權襲殺羽。禁復

爲吳所得。子丕篡漢。權遣禁還。丕令詣鄴謁操墓。使預于祠屋畫關羽戰克。龐德憤怒。禁降服之狀。禁見之。甚發病卒。徐晃者。字公明。河東楊人。累遷平寇將軍。操遣晃與夏侯淵拒昭烈于陽平。復遣助曹仁攻關羽。屯宛。會于禁等皆歿。羽圍仁于樊。又圍呂常于襄陽。晃以羽難與爭鋒。遂屯陽陵。操遣徐商、呂建等詣晃。乃稍前去。敵圍三丈所未攻。操又遣朱蓋等十二營詣晃。羽自將步騎出戰。晃擊之。羽退。遂追逐。與俱入圍。敗之。操聞之曰。吾用兵三十年。及所聞古之善用兵。未有長驅徑入敵圍者。舉卮酒與晃曰。全樊襄陽將軍之功也。時諸軍皆集。操按行諸營。士卒皆離陳觀。而晃軍營獨整。將士駐陳不動。操歎曰。徐將軍可謂有周亞夫之風矣。子丕初進封楊侯。性儉約畏慎。將軍常遠斥候。先爲不可勝。然後戰。追奔爭利。士不暇食。曹叡時卒。

龐德

龐德字令明。南安狹道人。爲郡吏。從馬騰討叛羌有功。遷校尉。曹操使鍾繇帥關中諸將討袁譚將郭援。德爲軍鋒。親斬援首。拜中郎將。封都亭侯。後歸操。操聞其勇。拜立義將軍。與曹仁等共屯樊。攻關羽。與羽戰。射羽中額。常乘白馬。羽軍謂之白馬將軍。皆憚之。仁使德屯樊北十里。會霖雨。漢水暴溢。平地五六丈。德與諸將避水隄上。羽以大船四面射之。自平旦至日中。短兵接戰。益怒。而水浸盛。吏士皆降。德乘小船欲還。水盛船覆。爲羽所殺。有許褚、典韋、閻溫、龐涓者。與德同時。皆驍勇。忠于曹氏者。褚字仲康。譙國譙人。長八尺。腰帶十圍。勇力絕人。漢末聚族里。堅壁以禦寇。時葛陂賊萬餘人。攻其壁。糧且盡。僞與賊和。以牛

易食。賊取牛牛輒奔還。褚乃出陳前。一手拽牛尾行百餘步。賊衆驚不敢取牛而去。曹操徇淮。汝褚以衆歸操。操見而壯之。曰：「此吾樊噲也。」即日拜都尉。從操討韓遂。馬超于潼關。操將北渡。臨濟河。先渡兵。獨與褚及虎士百餘人。畱南岸斷後。超將步騎萬餘人來追。褚扶操上船。敵戰急。矢下如雨。軍爭濟。船欲沒。褚斬攀船者。左手舉馬鞍蔽操。船工中流矢死。褚右手進泝。船僅得渡。是日微褚。操幾不免。後操與超。單馬會語。惟褚獨從。超負其勇。陰欲前突操。素聞褚勇。疑從騎卽褚。乃曰：「公有虎侯者安在。」操顧指褚。褚瞋目盼之。超不敢動。後數日會戰。大敗超等。遷武衛中郎將。武衛之號自此始。軍中以褚力如虎而癡。故號虎癡。是以超呼爲虎侯。曹丕篡漢。封萬歲亭侯。遷武衛將軍。子叡初進封牟鄉卒。韋陳畱己吾人。膂力過人。有志節。從操戰。常先登陷陳。由都尉遷校尉。好持大雙戟與長刀。軍中爲之語曰：「帳下壯士有典君。提一雙戟八十斤。後與張繡戰。被創。瞋目大罵而死。」温字伯儉。天水西城人。以涼州別駕。守上邽令。馬超奔上邽。郡人任養等舉衆迎超。温止之。不能禁。乃馳還州。超復圍州。所治冀城甚急。州遣温密往告急于夏侯淵。敵圍數重。乃夜從水中潛出。明日敵見其迹。追之。執以還。超謂曰：「今成敗可見。足下爲孤城請救。而執于人手。義何所施。」若從吾言。語城中。東方無救。此轉禍爲福之計也。不然。今爲戮矣。温僞許之。超乃載詣城下。温大呼。大軍不過三日。勉之。城中皆泣。稱萬歲。超怒數之曰：「足下不爲命計耶。」温不應。超攻城久不下。故徐誘温。冀其改意。復謂曰：「城中故人。有欲與我同者。不温又不應。遂切責之。温曰：「事君有死無二。而卿乃欲長者出不義之言。吾豈苟生者乎。」超遂殺之。涑字子冀。酒泉表氏人。初以涼州從事。守破羌長。



會武成太守張猛反。殺刺史邯鄲商。令曰：敢有臨商喪，死不赦。洧聞之，棄官奔走，號哭喪所。乃詣猛，裹匕首。欲因見以殺猛。猛知其義士，敕遣之不殺。由是以忠烈聞。太守徐楫請爲主簿。郡人黃昂反，圍城。請踰城告急于張掖、燉煌二郡。初，疑未肯發兵。洧欲伏劍。二郡感其義，遂爲發兵。未至城陷。楫死。洧乃收斂，送喪還本郡。行服三年，乃還。曹操聞之，辟爲掾。累遷西海太守。中散大夫卒。初，洧外祖父趙安爲同縣李壽所殺。洧舅三人同時病死。壽家喜。洧母娥自傷，父讐不報。乃帷車袖劍，白日刺壽于都亭前。徐詣縣曰：父仇已報，請就戮。祿福長壽陽尹嘉義之，會赦得免。州郡刊石表閭。

文聘

文聘字仲業，南陽宛人。爲劉表大將，使禦北方。表死，其子琮嗣。曹操攻荊州，琮舉州降。呼聘欲與俱。聘曰：聘不能全州，當待罪而已。操旣濟漢，乃詣操。操曰：來何遲耶？聘曰：先日不能輔劉荊州以奉國家，荊州旣歿，常欲據守漢川，保全境土，生不負于孤弱，死無媿于地下。而計不得已，以至于此。實懷悲慚，無顏早見。歔歔流涕，操爲之愴然曰：仲業，卿真忠臣也。厚遇之。操先定荊州，江夏與吳接，民心不安，乃以聘爲太守。委以邊事，有功，封延壽亭侯。加討逆將軍。子丕篡漢，進封長安鄉侯。遷後將軍，進封新野侯。孫權以五萬衆圍聘于石陽，甚急。聘堅守不動。權疑之，語其下曰：北方以此人忠臣，故委之。以此郡今吾至而不動，此不有密圖，必當有外救，遂去之。在江夏數十年，威振敵國。卒。呂虔者，字子恪，任城人。爲泰山太守。操使督青州諸郡兵，討東萊李條等有功。在泰山十數年，甚有威惠，封益壽亭侯。遷徐州刺史。威虜將軍辟琅琊。

王祥爲別駕。民事一以委之。世多其能。任賢。曹叅時卒。

### 滿寵

滿寵字伯寧。山陽昌邑人。曹操辟爲西曹屬。轉許令。時操欲殺天下舊德宿望。故太尉楊彪。以非罪收付縣獄。荀彧、孔融竝屬寵。但當受辭。勿加考掠。寵一無所報。考訊如法。數日求見。操曰。楊彪考訊。毋它辭語。當殺者。宜先彰其罪。此人有海內名。若罪不白。必大失民望。竊爲明公惜之。操乃釋彪。初融等聞其考掠。皆怒。及因是得釋。更善寵。曹叅時。爲征東將軍。封昌邑侯。時無歲不有吳師。寵上疏曰。合肥城南臨江湖。北遠壽春。敵攻圍之。得據水爲勢。官軍救之。當先破賊大輩。然後圍乃解。賊往甚易。而兵往救之甚難。宜移城內之兵。其西三十里。有奇險可依。更立城固守。此爲引賊平地。而倚其歸路。于計爲便。尙書趙咨是其策。遂從之。是歲。權自出圍新城。以其遠水。積二十日。不敢舍舟而去。召爲太尉卒。子偉。以格度知名。有田豫、郭淮者。皆與寵同時立功。豫字國讓。漁陽雍奴人。昭烈甚奇之。昭烈爲豫州刺史。豫以母老求歸。昭烈涕泣與別曰。恨不與君共成大事也。曹操辟爲軍謀掾。累遷弋陽太守。所至稱治。佐曹彰平定代郡。遷南陽太守。子丕篡漢。使持節護烏丸校尉。牽招解儻。并護鮮卑。轉汝南太守。加殄夷將軍。孫權帥衆號十萬。攻新城。滿寵欲帥諸軍救之。豫以爲敵悉衆大舉。非圖小利。欲質新城。以致大軍耳。宜聽使攻城。挫其銳氣。不當與爭鋒也。城不可拔。衆必罷怠。怠而擊之。可大克也。若敵見計。必不攻城。勢將自走。若便進兵。適墮其計。豫以狀聞。叅從之。會孫權師退。久之。徵爲衛尉。屢告老。司馬懿以書諭之。答曰。年七十而以居

位。譬猶鐘鳴漏盡。而夜行不休。遂固稱病篤。拜大中大夫。食祿卿卒。時年八十二。淮字伯濟。太原陽曲人。舉孝廉。除平原府丞。曹操畱夏侯淵拒昭烈。以淮爲司馬。淵戰沒。軍中洶洶。淮收散卒。推張郃爲軍主。衆乃安。曹叅時。丞相諸葛亮來伐。出斜谷。竝田于蘭坑。時司馬懿屯渭南。淮策亮必爭北原。宜先據之。議者多謂不然。淮曰。若亮跨渭登原。連兵北山。隔絕隴道。搖蕩民夷。非吾利也。懿善之。淮遂屯北原。塹壘未成。王師大至。淮逆擊之。後數日。亮盛兵西行。諸將皆謂欲攻西圍。淮獨謂此見形于西。欲使吾兵重應之。必攻陽遂耳。是夕果攻陽遂。以有備而退。延熙七年。夏侯玄等寇漢中。淮督諸軍爲前鋒。度勢不利。輒拔軍遁。故不大敗。封都鄉侯。遷征西將軍。都督雍涼諸軍事。進車騎將軍。儀同三司。進封陽曲侯。曹髦時卒。

王凌

王凌字彥雲。太原祁人。叔父允。爲漢司徒。舉孝廉。再遷中山太守。曹操辟爲丞相掾。子丕篡漢。拜散騎常侍。出爲兗州刺史。拒吳師有功。封宜城亭侯。加建武將軍。轉青州刺史。布政施教。賞善罰惡。百姓稱之。從曹休南侵。休與敵師遇于夾石。休軍大敗。凌力戰決圍。休得免。徙豫州刺史。得軍民驩心。始至豫州。旌先賢之後。求未顯之士。各有條教。初凌與司馬朗。賈逵。友善。及臨兗。豫。繼其名迹。曹芳時。爲征東將軍。都督揚州。以卻敵功。進封南鄉。遷車騎將軍。儀同三司。就遷司空。司馬懿旣殺曹爽。進凌太尉。自是大權盡歸于懿。曹芳擁虛位而已。凌每切齒。且謂芳昏弱。故受制于懿。時令狐愚。以才能爲兗州刺史。凌甥也。凌乃與愚密謀。起兵誅懿。廢芳而立操子彪。謂彪長而才。會愚病死。凌旣失援。復遣其將軍楊宏。以事密告兗

州刺史黃華、華宏等，乃以其事白懿。懿遂帥衆攻凌。懿軍奄至百尺，凌不知所出，乃乘船單出迎懿。懿遣人護送京師。凌至項，過賈逵祠，呼曰：「賈梁道，王凌固忠于魏社稷者，惟有神知之。」遂飲藥死。懿至壽春，盡殺凌黨，夷其族，并殺彪等。是歲八月，懿疾夢凌，達爲厲甚惡之。後數歲，文欽、毋丘儉、諸葛誕等相繼起義，欲誅懿子師。昭皆不克。儉字仲恭，河東聞喜人，父興爲武威太守，有功，封爲高陽鄉侯。儉襲爵，爲平原侯。文學曹叡時，累遷幽州刺史，度遼將軍，以定遼東功，進封安邑，遷左將軍，假節，監豫州諸軍事，領豫州刺史。轉鎮南將軍，換鎮東都督揚州。時司馬師廢曹芳，儉憤其不臣，與揚州刺史、前將軍文欽起兵誅之。延熙十八年正月，以曹叡妻郭氏令移郡國罪狀師，且爲壇于壽春城西，與諸將歃血同盟。帥兵五六萬人，與文欽等渡淮北討師。師帥中外軍拒儉等，使其監軍王基爲前鋒。據南頓，儉軍不利。有尹大目者，幼爲曹氏家奴，常在曹芳側，師與俱行。大目知師畏憤成疾，一目突出，乃曰：「大目昔爲文欽所信，乞追語令罷兵。」師卽遣之。大目單騎被鎧，追欽遙與語。大目心實主曹氏，謂曰：「君侯何苦不復忍數日中邪？欲使欽解其意，欽不悟，乃更厲聲罵大目曰：『汝曹氏家人，不念報恩，反與司馬師作逆，不顧上天，天不佑汝。』乃張弓傅矢欲射之。大目泣曰：『世事敗矣，善自努力。』是日欽敗，儉聞之，遂遁。衆潰，爲安風人所殺。中外聞之，莫不悵惜。儉子甸，字子邦，有重名。曹芳之廢也，甸謂儉曰：『大人居方嶽重任，國傾覆而晏然自若，將負四海之責，儉然之。』及儉起兵，司馬師問甸所在，知其不行，曰：『甸不來，儉無能爲也。』儉初起兵，遣其子宗等西入吳，文欽亦奔吳。吳以爲都護，假節，鎮北大將軍。譙侯誕字公休，琅琊陽都人，累遷鎮東將軍，都督揚州諸軍。

事。封山陽亭侯。徙豫州。儉之敗也。壽春中。十萬餘口懼誅。悉流迸山澤。或亡入吳。以誕久在淮南。乃復以爲鎮東大將軍。儀同三司。都督揚州。誕以懿父子專政。擅誅殺。而王淩、卞丘儉等皆起義不克。反爲所夷滅。心每不平。延熙末。舉兵誅司馬昭。軍敗被害。麾下數百人。坐不降。昭悉斬之。皆曰。爲諸葛公死。無恨。其得人心如此。晉習鑿齒著論曰。儉感曹叡之顧命。故爲此役。君子謂儉事雖不克。可謂忠矣。夫竭節而赴義者。我也。成之與敗者。時也。我苟無時。雖成何可必乎。忘我而不自必。乃所以爲忠也。古人有言。死者復生。生者不愧。若儉者。可謂不愧矣。

王昶

王昶字文舒。太原晉陽人。少與同郡王淩俱知名。淩年長。兄事之。爲曹丕文學。丕旣篡漢。再遷雒陽。典農勸民稼穡。墾田特多。遷兗州刺史。子叡初。加揚烈將軍。著治論。略依古制。而合于時務者。二十餘篇。又著兵書十餘篇。言奇正之用。上之名。其兄之子及其子。以見意。兄子默。字處靜。沈。字處道。其子渾。字玄沖。深。字道沖。且爲書戒之。其略曰。吾與時人從事。雖出處不同。然有所取。潁川郭伯益。好尙通達。敏而有知。其爲人宏曠不足。輕貴有餘。得其人重之如山。不得其人。輕之如草。吾以所知。親之昵之。不願兒子爲之。北海徐偉長。不沽高名。不求苟得。淡然自守。惟道是務。其有所是非。則託古人以見意。當時無所褒貶。吾敬之重之。願兒子師之。東平劉公幹。博學有高才。然性行不均。少所拘忌。得失足以相補。吾愛之重之。不願兒子效之。安樂任昭先。純粹履道。內敏外恕。推遜恭謙。處不避洿。怯而能勇。在朝忘身。吾友之善之。願兒

子遵之。若引而伸之。觸類而長之。汝其庶幾舉一隅耳。及其用財。先九族。其施舍務周急。其出入存故。老其議論貴無貶。其進仕尙忠節。其取人務道實。其處勢戒驕淫。其貧賤慎無戚。其進退念合宜。其行事加九思。如此而已矣。吾復何憂哉。曹芳時。累轉徐州刺史。封武觀亭侯。遷征南將軍。假節。都督荊豫諸軍事。昶以爲國有常衆。戰無常勝。地有常險。守無常勢。今屯宛。去襄陽三百餘里。諸軍散屯。船在宣池。有急不足相赴。乃表徙治新野。廣農墾殖。倉廩充滿。司馬懿旣殺曹爽。乃博問大臣得失。昶陳治略五事。其一欲崇道篤學。抑絕浮華。其二用考試以謹黜陟。其三欲令居官者。久于其職。其四欲約官實祿。以勵廉恥。其五欲絕侈靡。務崇節儉。以破敵功。遷征南大將軍。儀同三司。進封京陵侯。後母丘儉。諸葛誕等。憤司馬師專國。欲起兵誅之。昶附師爲之盡力。儉等旣遇害。進驃騎將軍。遷司空卒。兄子沈。與司馬昭謀弑曹髦者。

### 王基

王基字伯輿。東萊曲城人。刺史王淩。辟爲別駕。尋擢中書侍郎。曹叡盛修宮室。基上疏切諫。散騎常侍王肅。著經傳解。及論定朝儀。改易鄭玄舊說。而基據依玄義。常與抗衡。出爲安豐太守。郡接吳境。爲政清嚴。設備甚謹。敵不敢犯。加討寇將軍。吳嘗大發兵集建業。宣言欲北伐。揚州刺史諸葛誕。使基策之。基曰。昔孫權再至合肥。一至江夏。其後全琮出廬江。朱然攻襄陽。皆無功而還。今陸遜等已死。而權且老。自出則懼。內憂卒起。遣將則舊將已歿。新將未信。此不過用補定卒乘。還自保耳。權果不及出。著時要論。譏切時政。徵爲河南尹。除尙書。出爲荊州刺史。加揚烈將軍。從王昶南侵。基別襲步協于夷陵。收其米三十餘萬。

斛遷其降民置夷陵縣賜爵關內侯曹髦初進封常樂亭侯母丘儉起兵欲誅司馬師師以基爲行監軍假節統許昌軍與儉等戰有功加鎮南將軍都督豫州諸葛誕敗轉征東將軍都督揚州進封東武轉征南將軍都督荊州基自附于司馬昭昭亦厚遇之曹奐初卒

鄧艾

鄧艾字士載義陽棘陽人年十二遭亂隨母至潁川讀故太丘長陳寔碑言文爲世範行爲士則遂名範字士則後宗族有與同名者故改焉爲都尉學士以口吃不能作幹佐爲稻田守叢草吏每見高山大澤輒規度指畫軍營去處時人多笑焉爲典農上計吏司馬懿見而奇之辟爲掾遷尚書郎時欲廣田蓄穀爲滅敵資使艾行陳項以東至壽春艾以爲田良水少不足以盡地利宜開河渠引水灌溉又通漕運乃著濟河論以諭其旨又以爲昔破黃巾因爲屯田積穀許下以制四方今軍攻淮南運兵過半陳蔡之間土下田良可省許昌左右諸稻田并水東下令淮北屯二萬人淮南屯三萬人十二分休常有四萬人且田且守水豐常收三倍于西計除衆費完歲五百萬斛以爲軍資六七年間可積三千萬斛于淮上此則十萬之衆五年食也司馬懿善之事皆施行延熙四年乃開廣漕渠每東南有事汎舟而下達于江淮資糧有儲而無水害皆艾所建也十二年與郭淮等拒漢將軍姜維後以破文欽功封方城鄉侯行安西將軍解雍州刺史王經圍于狄道曹奐時司馬昭令諸將犯漢昭指授節度使艾與漢大將軍姜維相綴維聞鍾會諸軍已入漢中引還守劍閣艾從陰平道行無人之境七百餘里鑿山通道造橋閣以度山高谷



深。又糧餉且匱。頻于危殆。乃以氈自裹。推轉而下。將士皆攀木緣崖。魚貫而進。先登至江油。漢守將馬邈等降。漢衛將軍諸葛瞻。自涪還綿竹。列陳待艾。艾大破之。漢遂亡。艾承制拜官。深自矜伐。謂漢士大夫曰。姜維自一時雄兒。與某相值。故窮耳。識者笑之。鍾會等皆白艾所爲悖逆。檻車徵之。艾父子既囚。會至成都。先送艾。然後作亂。會已死。監軍衛瓘。遣田續斬之于綿竹。子忠俱死。餘子在雒陽者。悉誅之。贊曰。凌、儉、欽、誕。數子不附司馬氏。而甘于一死。可謂忠于所事者。昶與沈附晉。傾曹而沈之子凌。復叛晉。而謀不軌。所謂世濟凶德。艾與會果于犯順。隕身赤族。非不幸也。

常曩侍孝節先公讀史。至陳壽蜀志。而先公廢卷不懌曰。漢其蜀乎。小人哉陳壽也。于是常生十四年。雖未成人。亦竊知古今治亂興亡之大略。因請曰。昭烈漢之支屬。繼獻帝而作。豈當號爲蜀歟。抑陳壽因其所都之地而名之歟。將改仕晉氏。而黜其故國本號也。先公言壽之父。以罪爲諸葛亮所髡。而壽之身。復爲亮子瞻所笞。又仕漢久不得志。庸是貶其號而詆訕其君臣。且以尊魏也。然壽之史行於世。幾千載。無一人正其謬而改作者。吾老矣。竊有志焉。而日者謂我歲行戊亥間將死。果爾。吾其已矣。成吾志者。其汝也。夫常忍涕而識之。旣冠。梏于時學而未遑。然亦未始一日不往來于中。後三十年。歲在戊申。偶抱病累月。病愈。因追憶先公之所以屬望。勉強成書。雖正其名。而私切自揆。學不淹貫。文不雅馴。大懼不足以成先公之志。安知後人之議常。不猶常之議壽也哉。先公諱昌齡。字椿年。後更諱壽朋。博極羣書。爲時儒宗。旣卒。門人私謚孝節先生云。



# 續後漢書義例

凡後漢書有傳者。茲不復出。事偶相涉。則隨事而書。

凡書一歲之事。必有先後。若舊史所載。首尾失序。無所考正。則書于歲末曰。是歲某人某事。

凡記事必繫之日。不日。蓋陳壽崇魏而黜漢。略而不書。無他書可考。今止書月與時。魏雖書日。漢既不日。

魏豈得獨日。

凡記事。舊史不載歲時月日。不可書之于紀。謂歲時日月。四者俱不著。今互見列傳。庶不沒其實。

凡天子諸侯之使。通曰聘。或曰如。然如略于聘。漢使他國。則曰如。吳使漢。則曰來聘。

凡皇后崩。則書皇后某氏崩。皇太后則不書氏。此蓋班史舊例。

凡書薨卒。眎官職之崇卑。宰輔諸王。大司馬。大將軍。衛將軍。則曰薨。車騎。驃騎。左右前後將軍。與夫加號。

大將軍。若征北平江。大將軍之類。亦書薨。尙書令。九卿。則書卒。若建安二十五年。後將軍黃忠書卒。時昭烈未稱尊。

號故也。

凡吳魏僭竊之君。書薨則太重。書殂則尤重。書卒則又若引而進之。今止書死。

凡事之不繫乎治亂。不關乎名教。與夫迹涉怪誕者。略而不書。

凡地名見于音義。郡不著而縣著。蓋縣名既多。又且重複。覽者未暇徧省。不可不著所隸之郡。若郡則不。

續後漢書 義例

復贅言。凡音義所釋地名。其言故者。皆指先漢。

續後漢書音義第一

紀一上子貞元朔二年封陸城侯

陸城亭名隸涿郡按前漢書表貞以元朔二年封而陳壽蜀書作元狩六年誤也若此類皆刊正之壽云封亭侯表無亭字

延熹音羽葆車

合聚五采羽名

為葆車上建羽葆故曰羽葆車

公孫瓚才贊切後漢書有傳

黃巾賊帥張角起魏郡

按陳壽志與後漢書皆云鉅鹿人張角而孫堅傳則云張角起魏郡蓋角雖鉅鹿人而起于魏魏與鉅鹿為鄰郡今從堅傳

下

邳音皮故東海縣東京永平十五年為侯國應劭曰邳本在薛其後徙此故曰下邳

高唐平原縣

袁紹字本初後漢書有傳

平原令平原郡治平原

孔融屯都昌

後漢書有傳都昌北海縣

陶謙表

為豫州刺史

謙時為徐州牧後漢書有傳郡國志豫州所領七郡

小沛

即沛縣以有沛郡故曰小沛猶槐里之小槐里弋陽之小弋陽昭烈雖喪師失地及其復振未嘗不還小沛

荀彧

音欲後漢書雖有傳而或專為曹氏腹心謀代

漢者又其事迹皆見于魏故併傳之

程昱音郁

糜竺民夷切涉六切

袁公路近在壽春

術字公路後漢書有傳壽春九江縣史家例凡稱某人必書其名其或稱字則記時人之所稱耳無特稱其字者春秋書季子之類非常

例如陳壽書司馬仲達劉景升等類從時人所稱可如稱陳仲弓盧子幹宋仲子任定祖之類非是今皆正之

使君所吏切

昭烈遂領徐州

徐州領五郡

李傕郭汜

權古洛切汜音似汜一名多其事迹詳見後漢書董

卓北塢烏古切

失冉切宏農縣即周召分治之所

新豐京兆縣

乘輿承正切

安邑

河東縣

盱眙淮陰

盱音虛眙音夷並下邳縣

下邳相曹豹

裴松之引典略云下邳相曹豹而陳

壽昭烈傳書下邳守將蓋為相必  
有守兵謂之將亦可今從典略  
呂布後漢書有傳失其孥音奴後同轉軍海西復以為豫州刺史海西廣陵縣宜城南郡縣後遷

都于許穎川縣即春秋許國表為豫州牧昭烈凡三領豫州韓暹思兼切要擊要平聲袁術僭號于淮南時術在九江郡壽春縣術走渡淮奔其部曲雷

越騎校尉种輯蜀志作長水後漢書作越騎今從後漢續漢志注如淳曰越人自附以為騎故曰越騎晉灼曰取其才力超越按光武改青巾左校尉為越騎校尉劉昭曰越人非善騎者晉說是王服陳壽改從容此

匕箸上音俾下音住車胄尺加切紹去鄴魏縣劉表字景升荆州牧後漢書有傳官渡裴松之引北征記曰中牟臺下臨沛水是為官渡袁紹曹操尚存今在鄭州中牟縣北後漢袁紹傳章懷太子注曰官渡在

汴州中牟縣北酈道元水經注葦葦渠經曹公壘北有高臺謂之官渡臺在中牟城北俗謂之中牟臺

新野南陽縣博望南陽縣如廁策至切髀肉音裨烏丸胡官切北狄種柳城遼西縣樊襄陽城外之別

城當陽南郡江陵南郡縣走漢津音沔漢水出蟠冢山曰沔而東曰沔水夏口江夏沙羨縣有夏口對沔口有津史記蘇秦說楚威王楚東有夏州左傳楚莊王伐陳鄒取一人焉以歸謂之夏州今夏口城有洲名夏

赤壁在黃岡縣舟艦倚減切油江口油水名出武陵故京口京城隸丹陽劉璋字季玉據蜀後漢書有傳張魯據漢中後漢書有附傳龐統蒲光切亦說式

切操以譎古穴切五伯音翳涪音浮廣漢縣倉卒七忽切司隸校尉音效又音教白水廣漢縣成都蜀縣葭萌廣漢縣後改漢壽厚施去聲秣陵丹陽縣本名金白帝南郡巫

陵秦始皇改建安中孫權又改建業晉避愍帝諱改建康青泥近襄陽劉瓚古回切縣竹廣漢縣雒城廣漢縣魚豢云漢以火行忌水故東京去水加佳

白帝城。公孫述所築。述自謂得金行。故稱白帝。後人以述築此城。故名曰白帝城。後隸巴東郡。巴東即今夔州。城去州十里。杜子美詩云。白帝夔州名異城。夔州即魚復。昭烈改曰永安。江州。巴縣故巴國。有塗山禹所娶。江陽。隸爲縣。後改爲郡。旄。

頭。音毛。史記昂星曰旄頭星。徐援釋疑曰。黃鷹仗白羽。鐘簾。丘羽切。鐘鼓之柎。釋名。橫曰柎。從曰簾。亦作簾。竝音箭。柎或作跗。足也。竝音夫。梓潼。音童。廣漢縣。後升爲郡。益陽。長沙縣。

張郃。音合。宕渠。徒浪。南鄭。漢中縣。下辨。武都縣。金禕。簾圭切。陽平。在漢中。有闕城。紀一下。沔水。出武都南入江。如淳曰。北謂漢水。爲沔水。顏師古曰。漢上曰沔也。定軍興。

勢。漢中沔陽有定軍山。與勢與定軍屬。斜谷。弋奢切。斜谷出武功縣衙領。北至郿。入渭。襄水亦出衙領。至南鄭入沔。上庸。漢中縣。後升爲郡。蒯祺。苦怪切。射援。

本姓謝。其先與北地諸謝同族。始祖謝服。爲將軍。出征。天子以謝服爲非令名。改爲射。安定。王莽廢孺子嬰爲安定公。隗囂。上五鬼切。下音翽。健爲。渠建切。故夜郎國。沔陽。漢中縣。不梟。堅堯切。殺人而懸其首。按說文。梟不。

孝鳥也。日至捕梟。磔之。以比惡逆之人。疾如。丑刃切。縱橫。皆從去聲讀。竝瘞。音意。濟陰魏諷。注引世語云。沛人王昶家誠云。近濟陰魏諷。昶去諷未遠。當從昶言。梁郊。大梁之郊。陸渾。安農縣。故戎國。後。

將軍黃忠卒。昭烈未稱尊號。故大臣歿。皆書卒。向舉。音餉。趙苻。音作。光祿勳黃柱。今本皆作權誤也。按權未嘗爲光祿勳。詳見王謀傳。漢水。孔安國禹貢注云。泉始出幡冢山。爲漾水。東流爲沔水。至漢中。

東行爲漢水。前志注。禹貢。養水出氐道縣。至武都爲漢。養音漾。續漢志注。引巴漢志云。漢水二源。東源出氐道之養山。南都賦注曰。漢水源出隴西。經武都。至武關山。歷南陽界。出河口入江。巴漢志又云。西源出隴西幡冢山。會白水。經葭萌入漢。始源曰沔。故曰漢沔。一說云。

西漢出隴西幡冢山。曰漾水。而東曰沔水。又東曰漢水。至南鄭。有襄水入。又有文水入。又東有旬水入。乾祇。猶言天神也。仁覆。字叔。昭穆。





扶味。音箋。蜀縣。岷山在西江水所出。縣前觀阪。觀去聲。汝水。音問。汝江之水。汶水。蜀縣。氏王符健。丁奚切。堅之族。璿。音旋。祖非王秦者。租中。音租。稅之租。襄切。有兩石對峙如闕。號彭城。即今彭縣。

界去襄陽一百五十里。魏夷王權數兄弟三人。部曲萬餘家屯此。分布在中廬。宜城。西山。鄒。沔。二谷中。土地平衍。宜桑麻。故曰租中。費禕至漢中。漢中治南鄭。官人黃皓始與政。陳壽景耀元年。書黃皓始專政。按董允傳。延熙九年。允卒。皓已與政。專與之積也。當書九年。

洮西。臨洮。蜀。涪陵。音浮。巴縣。西平。涼州郡名。晉志曰。漢置郡。不著。而此獨著。蓋地名西平不一。句安。古侯切。漢壽。故廣漢葭萌縣。昭烈改為漢壽。晉志曰。昭烈分廣漢之葭萌。涪城。梓潼。白水。四縣。改葭萌曰漢壽。又立漢德縣。合五縣為梓潼郡。晉武帝泰始中。又為晉壽。

南安。中平五年。分漢陽置南。安郡。漢陽即故天水。狄道。襄武。臨洮。並隴西縣。上邽。音圭。隴西縣。有下邽。故曰上邽。下邽。近上。壽春。九江縣。志。駱谷。漢中之北境。曹爽。鍾會。入寇由此。十道志。駱谷道西南界。入洋州路。屬盤屋。

芒水。近長安。侯和。在洮陽。鄧艾。牛蓋切。表一曲阿。吳縣。故雲。烏程。吳。沙羨。音夷。江。汝穎。汝南。穎川。二郡。倉亭。在兗州。近范東阿。西平。汝南縣。上饒。鄱陽縣。南皮。渤海縣。石頭。城在建業。濡須。在歷陽。皖城。廬江縣。瓦

口。在漢中。譙。沛縣。南昌。豫章縣。表二拓地。音托。數圻。音畿。地方千里。習鑿齒。晉尚書郎。李昇。皮戀切。甄氏。音真。改夷陵為西陵。此非江夏郡。蕪春。音其。廣

陵。廣陵縣。錫。音陽。漢中縣。左傳。文十一年。楚伐麇。至于錫穴。由拳。吳縣。古橋李。左傳。越敗吳兵于橋李。秦始皇改曰由拳。橋音醉。改摩陂為龍陂。在潁川。郟城。郟。音朱。江夏縣。晉地。道亦郡治。一年。楚伐麇。至于錫穴。

君子此。因為名。先漢衡山王吳芮所都。後漢順帝紀。永和二年。盜殺郡長。章懷太子注。故城在今復州。竟陵縣東。改禾興為嘉興。吳縣。故由拳。孫權黃龍三年。扶南。交阯徼外夷。舒。廬江縣。見呂岱傳。

和二年。盜殺郡長。章懷太子注。故城在今復州。竟陵縣東。改禾興為嘉興。吳縣。故由拳。孫權黃龍三年。扶南。交阯徼外夷。舒。廬江縣。見呂岱傳。

句容丹陽縣音雲陽吳縣後改曲阿堂邑廣陵縣故東興東興城在巢湖即東關南去江四百里孫綝丑今分宜都置建平

郡建平今歸州陸抗曰劉襲音儼自張杖音式字敬夫紹興宰相魏忠獻公列傳一嬪嬙上皮民切賓賓振昭烈臨豫州

駐小沛時以小沛為治所劉焉璋之父後漢書有傳子瑁音縱橫竝去聲險遠險音朝請青徑切璩音渠列傳二東陽故臨淮縣東養耆上上聲

猶豫上夷救切災沴音戾又殄陳元方名紀羣之父趙元達名昱琅邪人亦焉足于堅切賁育上音奔二子古勇士辟召音韓子助名未詳飲餞飲從去聲荒

思讀從去聲推之土綬切恩施讀從去聲應仲遠名劭瑒璩之父病臂不能行善論縱橫下二字竝去聲南徽音叫南曰徽北曰塞列傳三上父珪字君貢從父

才用從至如南陽隆中漢晉春秋曰亮家于南陽之鄆縣在襄陽城西二十里號隆中石韜韜字廣元孟建建字威公梁父吟梁父泰山下小山古樂府有梁父吟蓋亮所作其詞云步出齊城門遙望蕩陰里

中有三墳壘壘正相似問是誰家冢田強古治氏力可排南山文能絕地紀一朝被讒言崔州平烈之子龐德公襄陽人統之叔父司馬徽

字德操穎川人欲信大義信音申伯業音霸古者止稱伯後轉而為霸重耳音重疊出守江夏應劭曰沔水自江別至南郡華容為夏水過郡入江故曰江夏兩漢志郡治西陵西陵在今安州雲夢縣東南建興

四年孫權攻江夏圍宛于袁切又如柴桑豫章縣漢南漢水之南魯縞音并力去聲於戲讀作嗚呼秦宓音密埤倉云祕密之宓廣韻云今作密字五梁其

名滇池音韻益州縣前後羽葆聚五綵羽名羽葆羽葆幢謂之纛前後羽葆謂前後皆建纛纛音燾一音毒姚佃音宙罷弊罷音皮郭攸之楚國先賢傳攸之名滇南陽人以字行攸之名滇又見廖

立渡瀘前志瀘惟水出牂柯郡句町縣音劬挺咨諏子侯切秦嶺在長安南長安京兆縣先漢所都咸陽秦名城高帝更名新城武帝元鼎三年又改渭城郿扶風縣箕谷今利州卒聞九忽

切西縣漢陽縣躡足去搖切舉足高寶叟徂宗切戎賦也列傳三下并日必正切烏巢在今滑州酸棗城東曹操袁紹戰處幾敗北山陳壽作伯山恐非操嘗敗漢中從蜀而言則漢中以

北為北山趙雲傳曹操運米北山下即漢中也又張魯傳注董昭奏曰武皇帝承武都降人之辭云張魯易攻陽平城下南北山相遠不可守及往不如所聞又魯聞陽平已陷乃奔南山入巴中則知陽平為北山矣唐德宗在興元興元即漢中問陸贄曰近有卑官自北山來者率非良士由興元

視漢中以北為北山散關在長安之西路出武都見張魯傳自漢中出散關則直抵陳倉建威巴漢西北境近武都陽平見姜維傳木牛流馬亮集載木牛流馬法曰木牛方腹

腹載多而行少可以大用不可少使特行者數十里羣行者二十里曲者為牛頭雙者為牛腳橫者為牛領轉者為牛足覆者為牛背方者為牛腹垂者為牛舌曲者為牛肋刻者為牛齒立者為牛角細者為牛鞅攝者為牛鞅轅人行六尺牛行四步載一歲糧日

行二十里而人不大勞也流馬尺寸之數肋長三尺五寸廣三寸厚二寸二分左右同前軸孔分墨去頭四寸徑中二寸前腳孔分墨二寸去前軸孔四寸五分廣一寸前杠孔去前腳孔分墨二寸七分孔長二寸廣一寸後軸孔去前杠孔分墨一尺五分大小與前同後腳

孔分墨去後軸孔三寸五分大小與前同後杠孔去後腳孔分墨二寸七分後載剋去後杠孔分墨四寸五分前杠長一尺八寸廣二寸厚一寸五分後杠與等版方囊二枚厚八分長二尺七寸高一尺六寸五分廣一尺六寸每枚受米二斛三斗從上杠孔去肋下七寸前

後同上杠孔去下杠孔分墨一尺三寸孔長一寸五分廣七分八孔同前後四腳廣二寸厚一寸五分鹵城定安有畏蜀如虎時可馬懿

畏亮不敢戰。賈詡、魏平因曰：公無當。近鹵城。木門。即青封。近鹵城。不躡。謂不踰越。圍溷。上音膏。下胡困。切。圍亦溷也。五丈原。在扶風武功縣。挑戰。徒了切。遺巾幟。上

揆切。幟音國。婦人之飾。死諸葛走生仲達。司馬懿字仲達。悉仰于官。仰去聲。景升、季玉。劉表字景升。璋字季玉。八陣圖。陳去聲。晉書桓溫傳。初亮造八陣圖于魚復平

沙之上。疊石為八行。行相去二丈。溫見之曰：常山蛇勢也。文武皆莫能識之。後漢書竇憲傳。班固燕然銘曰：勒以八陣。莅以威神。章懷太子注曰：兵法有八陣圖。則非亮所創。蓋古制也。故傳曰：黃帝太公丘井法也。

續後漢書音義第一

列傳四解人。音白馬。東郡縣艘。蘇青襄陽太守。故南郡縣今升為郡盪寇。徒浪臂創。初康鏃。千木刮骨。古察劈。匹歷炙。之夜樊。襄陽城外

小臨沮。子居切爾社。笞止鞭撻。仄加閔中。巴潼關。長安之西六國時名陰晉前志曰高帝改曰華陰晉地道記曰今潼關是也冀。漢陽於邑。音烏驃騎。上匹爨。音

故扶風縣。東京省為虢。音肴又儀觀。觀去外水。外水直趨成都內水則可至涪南史宋武帝欲取蜀與朱齡石謀曰劉敬宣往而又

大衆自外水取成都疑兵出內水此制敵之奇也。謹縱果備內水使其大將譙道福戍涪城。射之。音張飲。音卒解。七忽赤岸。在漢列傳五長道業。長上昌門。吳城西門未陽。

桂陽。當為璋。為去卒至。倉卒不當。去中流矢。去新都。廣漢內涪水。音資中。犍為雍涼。上子廣拓。音磔。涉格折節。時徹

牛鞞。音俾江原。蜀說璋。式銳益州太守。益州郡名武帝平西南夷未服者置非刺史所統之州建興三年改建寧儋石之儲。都甘切又都濫切孺。居勺烝陽。

故長。數稱薦。音恚忿。于計枹鼓。風無切府藏。去為官市。為于偽切下涯涘。七里叵測。普火切列傳六頰腋。音改頰下曰腋吻。

文粉 孔佃音雄杏切 流宕徒浪切 急難如字 契闊上氣結切 圯族部彼切 四塞思責切 正禮劉繇字 景興王朗字 東甌古國東漢郡國志會稽章安縣有東甌鄉

兒孝德音倪 宋忠字仲子 歎音吸 羸郡太守故泰山縣曹操分五縣立羸郡 跌宕音迭 任安字定祖 葉公音失 李宏字仲元 受淤去聲 見瑰穎上賢遍切 以簿

擊頰簿手板也 禹生石紐帝王世紀曰繇納有莘氏女曰修己生禹于石紐譙周蜀本記曰禹本汶山廣柔縣人生于石紐其地名剝兒呼坪坪卑坦也音劣廣柔隸蜀郡 郫邸閣督音皮蜀縣 丁太陰化二人

姓 揆張舒豔切 塞創平聲 列傳七 便辟上平連切下匹亦切 始與政音預下 南安隸為縣 岑述字元儉 何駛音史 自校比較之校 位分去聲 操行並去

聲 名聞音聞 鴻臚呂如切 髡苦昆切 雙柏益州縣 殷觀去聲 閻宇字與黃皓久處操行未必如維 儉佞上七連切 列傳八 宜都 房陵 上庸 西城宜都故夷道縣

昭烈分南郡置宜都郡房陵上庸西城皆漢中縣後升為郡 鼓吹去聲 容觀去聲後儀觀同 羨音濛 使稱並去聲 囂然音傲 江陽故隸為縣 老革皮去毛曰革古以革為甲故稱兵革老革猶言老兵蓋怒罵之辭

荒悖音佩下同 振威劉璋為振威將軍 分子之厚義言昭烈分兒子之厚恩施之于已故下文又言負我慈父 菹醢上側朱切字或作菹 別俾列切 關茸上貪甲切下戎勇切 鄭音婁漢中縣 狐忠

即狐篤後 朱提音銖時提又音如匙見蘇林漢書音義故犍為縣後升為郡 固陵建安中劉璋分巴郡墊江以上為巴郡江州至臨江為永寧郡胸忍至魚復為固陵郡尋改永寧為巴郡固陵為巴東郡巴郡為巴西徙龐羲為巴西太守

五百隸卒問事者 撾責加切 殄殲音尖 弦音炫 希更軍事更平聲下同 覘敕兼切 馬岱音代 蹴千六切 狷狹音狷 從容平聲 落度讀作落魄音薄又音託又如字言不自振也



列傳九泉陵零陵縣廣都蜀縣什邡音十方廣漢縣屬琬之欲切未弭迷俾切首難乃且切總帥土卒切憤憤古對切郟莫耿切改觀去聲衛道音道

哺音甫撰甲音患李福父權字伯豫西充國巴縣本名充國後以分置南充故曰西充列傳十閩水閩中之水臨酌音資床降上音來下戶郎切獠力矯切數為音朔

還統兩郡事陳壽作南郡南郡屬吳無還統之理時弋領永昌復領建寧故曰兩郡巴東即永安升為郡不強其往切宿雷上音秀下力救切墮虛圭切韓嵩字德高義陽人官至大鴻臚鍾元

常蘇字墊江音堞巴縣德陽廣漢縣有劍閣道三十里至險為璋使為使去聲耆帥上音其下土季切趨趨上音香下子須切麤精粗之粗罷倦音皮羣苦角切又音木南安即天水鄰郡之

南相為于為切操自比周文王陳羣桓階夏侯惇等勸進操曰施子有政是亦為政若天命在吾吾為周文王矣事見魏略適從音的列傳十一景附英請切三巴先是劉璋分巴郡為

巴東巴西凡三郡是謂三巴水經劉璋分三巴有中巴有巴西有巴東中巴即巴郡杜詩云中巴之東巴東山也杜濩文選荀彧檄吳將校部曲陳壽曹操傳並云巴七姓夷王朴胡賈杜濩邑侯杜濩注云巴賈地名朴胡杜濩其姓名也曹操既滅張魯以朴胡文選荀彧檄吳將校部曲陳壽曹操傳並云巴七姓夷王朴胡賈

杜濩為巴西太守朴胡巴東太守相屬音燭建寧故益州郡改今名先零音連昆明故西南夷國犍音奔槃江建寧南境康降音來杭去蜀三千餘里時未有寧州號為南中立都

督以總攝之晉泰始中始分置寧州雲南太守建興二年分建寧永昌置雲南郡漢昌巴西縣定祚音昨越嶲縣旄牛蜀縣在邛崃山表忱首律切誘也亭傳專遍切岫毗

上古屬以之欲切剽急匹妙切與戎音豫過當去聲瑛音英列傳十二永南季常李邵馬良字教中丁仲切猶言教就也洮西洮水之西石營董亭自蜀

往南安、天水、鍾題、近狄、怨讀、音讚、沈嶺、駱谷、所經歷之處、道、謗也、沈嶺之北、長城、長安之西境、蓋、西安、建威、武衛、石門、武城、建昌、臨遠、皆巴漢之境、光紀、十一年注、武衛即

下辨、屬武都郡、今成州同谷縣、舊名武衛城、石門、即龍門、杜甫龍門鎮詩云、石門雲雷隘、古鎮峯巒集、沓中、漢中北境、姜維求其地種麥、鄧艾入寇此、陰平、景谷、陰平、郡名、非廣漢之、公休、太初、諸葛誕、字公休、

夏侯玄、峩眉、山名、在今眉州、四世祖皓、字叔明、鑿、上音尋、亟戰、音器、列傳十三、訟閱、與激切、謹咋、音賁、犬聲、踉蹌、上子六切、下音即、鑿承、字公、彈

射、市亦切、以累免、累、力委切、李譔、難免切、又難戀切、作父仁、字德賢、奧祕、祕作密、此蓋韻語、躊躇、上直由切、下直魚切、厲揭、其冀切、夷庚、吳晉往來之道、左傳成十八年、以塞

夷庚、注、吳晉與、樸音義同、縱橫、如字、狙詐、狙、崔孺切、又音覲、窺伺也、又子朱切、要上、音腰、鞅、斯、呂、韓、商鞅、李斯、呂、鑠、式灼切、隆窳、音墮也、朱陽、朱夏也、猶言朱明

望舒、月也、沖質、桓靈、東京四帝、九德、即書、阜陶所陳之德、薛氏三計、黥布反時、故楚令尹薛公言上中下計、見布傳、誦、音屈、輕、粥、讀作、唐葉、猶言唐世也、陽盱、淮南子、禹以洪

水、身請于陽盱之、桑林、湯以旱禱于此、容裔、自適之貌、九方、九方堙、秦牙、二人、皆善相馬、見淮南子、薛燭、善相劍、瓠梁、即瓠巴、善鼓瑟、齊隸拊脾、田文客、能拊體脾、作雞鳴、脫大難、楚

客潛寇以保荆、楚將子發與齊帥相拒、有卒盜齊帥之幃帳冠、雍門、桓譚新論、雍門周善鼓琴、以琴謁孟嘗君、而為游說計、韓哀、呂氏春秋、韓哀善御、王褒、聖主得賢臣、頌云、王良執

靶、韓哀附、盧敖、淮南子、盧敖北海見一士、深目而互準、豐上而殺下、軒軒然迎風而舞、顧見敖、慢然而下其臂、商較、音權、列傳十四、遜于碑陰、敖就視之、方捲龜殼而食蛤梨、敖與之語、若士者、鬻然而笑、舉臂竦身入于雲中

江油。故廣漢之剛氏道。陰平。廣漢陰平道。南中七郡。建寧、興古、雲南、永昌、漢嘉、越巂、汶山。周獨立異議。時不虞鄧艾克江油，入陰平，朝野洶懼，帝使羣臣議，或以爲可奔吳以求救，周以爲自古無寄

他國爲天子，或謂南中七郡阻險斗絕，易以自守，可以奔南，周復以爲大敵已近，禍敗將及，恐發足之日，其變不測，固爭不可，帝猶疑于入南，周復上疏，陳四不可，且言天命有歸，雖堯舜不能與其子，帝素懦不武，遂從周議，雖至于亡，時炎興元年十一月也，明年正月，鍾會、鄧艾皆敗，自國亡至鍾、鄧之誅，才四十餘日，使不聽周之議，君臣固守，或至南中以俟援兵，豈至于亡，是以君子深歎息焉。孫綽、孫盛著說以咎周。孫綽曰：譙周說其主歸魏可乎？曰：自爲天

則死之，爲社稷亡則亡之，先主正魏之篡，不與同天矣，推其過于父，俛首而事仇，可謂苟存，豈大居正之道哉，良可慨也。○孫盛曰：春秋之義，國君死社稷，卿大夫死位，況稱天子而可辱于人乎？周謂萬乘之君，偷生苟免，違禮希利，微觀微榮，惑矣，且以事勢言之，理有未盡，何也？禪雖庸主，實無桀紂之惡，戰雖屢北，未有土崩之亂，縱不能君臣固守，背城借一，自可退次東鄙，以須後圖，是時羅憲以重兵據白帝，霍弋以強兵鎮夜郎，蜀土險狹，山水峻隔，絕巘激湍，非步卒所涉，若悉收舟楫，保據江州，徵兵南方，乞師東國，如此則姜廖五將自然

雲從，吳之三帥承命電赴，何投寄之無所而慮于必亡耶？魏師之夾，襄國大舉，欲追則舟楫無資，欲留則師老多虞，且屈伸有會，情勢代起，徐因思奮之民，以攻驕惰之卒，此越王所以敗闔廬，田單所以摧騎劫也，何爲匆匆違自囚虜，下堅壁于敵人，致研石之至恨哉？葛生云：事之不濟則已耳，安能復爲之下，壯哉斯言，可以立懦夫之氣，觀古燕、齊、荆、越之敗，或國覆主滅，或魚懸鳥竄，終能立功定事，紹復社稷，豈曰天時亦人謀也？禪既庸主，周亦罵臣，方之申包胥、田單、范蠡、大夫種，不亦遠乎？綽、盛二人皆晉人，其論如此，故備著之，五將謂姜

維、廖化、張翼、董厥等，吳之三帥謂丁奉、施續、丁封等。朝請。七正。宦寺。如字，又音侍。劇。音摩。疎遠。于願切。容說。于月切。列傳十五。李密。眉必切。采至。音厚。厚。與禪義同。無聞言。去聲。戢。音翦。不強屈。強其兩切。列傳十六。禕。虛圭切。日磾。音低。以創。初康切。傅彤。音同，或作彤。陰平以降胡烈。廣漢縣，非鄧艾由陰平，景谷趙濟之陰平。聲。

聞音問漢昌巴西縣閩中令遼東縣兼可兼謂兼丁切創初康切句驪東夷有高句驪王宮其先王名宮國入以樽杏上祖本切諸葛靚音靜字仲思誕之子菹醢

側朱切 列傳十七 贈扶奉切任故廣平國縣篤汝鳩切即戴勝也陸渾宏農縣大陽河東縣在大河之陽故名有吳城周武王封太伯後于此是為虞公為晉所滅易之上夷瓜市切

牛廬言其狹小如蝸殼蝸音瓜古通用祝馭女六切牂音臧羗羗上音古下音歷皇甫謐字士安晉人伯重重平聲甌軛上音鹿下音專內書謂老釋異論之書無所勝平聲慰

薦音音糒平界切怒乃歷切睥睨上音備下宜利切目不正視言孫讀從去聲列傳十八 周羣父舒字叔布更直更平聲孛音佩鶉尾荆楚分野于十二次為已王氣

去聲 識之音志以厭于涉切手推吐回切鈴下蒼頭傳言者靳紀近切屬我上之欲切歷山二縣未詳其地滎陽二縣未詳其地肆夷至切轢音歷利漕未詳甃必益切魍魎

魍音音魎音音安德平原縣列人鉅鹿縣斥丘魏縣常譚與談義同傳日者除羨切

續後漢書音義第三

吳載記一富春後以避晉簡文帝鄭太后諱改富陽孫鹽瀆故臨淮縣後屬廣陵宛城音寬南陽縣斬斷丁貫南切直子朱切數責上乙五切區星上雅

侯零桂零陵桂陽二郡王叡字通曜晉太保祥之伯父張咨字子議潁川人魯陽南陽縣前志注古魯縣御龍氏所遷顏師古曰即淮南所云魯陽公與韓戰日反三舍者公仇稱公仇姓稱名也行陳上戶即切下音

陣上吉闕幘上吉利切冠冢間上音貫陽人聚名在河南故城在今汝州梁縣西臬音驕殺人而懸其首華雄上戶化切調發上去聲縣示上明員切大谷近雒陽

小憇側降切周隅音喞字伯仁峴胡典切舒廬江縣曲阿吳縣江都廣陵縣黃祖劉表將吳會言吳地一都會壽春九江縣碑音氏喬蕤戎堆切好叛上去聲

歷陽九江縣劉繇音由東冶會稽縣本閩越地更置音庚上繚力皎切在海昏海昏豫章縣即封昌邑王之所宗民民相宗而為壘以避亂故其長曰宗帥卒與客遇七忽切創甚上初

康陽羨會稽縣沙羨音夷丹陽故鄣郡顏師古注地里志以丹陽為楚之先熊繹所封非也楚之封丹水之陽其地在南郡續漢郡國志南郡枝江有丹陽聚即是前志楊字從木晉志云山出赤柳故名從阜非是樂安鄆陽縣

黟音伊歛音攝張甚上去聲夷陵南郡縣當塗九江縣故屬沛帝王世紀曰禹會諸侯于塗山即其地陸口在巴丘之下遺操書上音位語其下上音御巴丘即巴陵今岳陽麥

城當陽縣東改鄂為武昌即鄂徐陵在江北戲口在江北石陽江夏周魴音防石亭在廬江六安廬江丹徒吳縣古朱方後改

瑋瑁上代芍陂上音鵠安城汝南堂邑涂塘涂水名在堂邑堂邑故吳載記二樂嘉近項城壽棗臯音拓姑臯又高亭壽

南安豐廬江江都廣陵刁玄上音詰難上氣吉切數至音朔漬梅上子藏吏上去首服上音子覲音鏤里未虎林未布

塞永昌二亭皆建在君為君為去半野建業射鉤上市直切見吏上賢候官故閩越地武帝滅其國徙其人名東治又改立

子暈為太子商暈讀如湖水灣曲之灣商音如迄今之迄暈音如兜魃之魃弄音如太玄礦首之礦莛音如草

出禮禮以體政政以正民是以政成而民聽易則生亂休欲令難犯亦何患無名而乃造無況之字制不典之音違明諳于前修詒嗤笑于後代不亦異乎殲下殄切尺古迴切犯凡汎潢上音扶嚴交陟微車浚上尺

太康四年死于雒陽按吳錄皓以四年死時年四十二世紀皓以赤烏五年羊衛音盛水金馬孟盛音成馬孟封備音校

習讀作比故鄣音章丹錢塘故會稽縣東京隸吳有武固陵會稽查瀆在會趨具上音高遷會稽有遷亭即所謂柯周昕音

明字大嵩音藜漿近壽春南溧陽丹陽牛渚秣陵南境在當塗縣俗謂之采石磯江東之津要梁侯景肆夷忌相遲恥異巴丘廬

縣在今峽重安縣舒仲膺名邵初伯晉親友爲人所刺仲膺爲報怨事覺兄弟爭死人皆義之陵陽縣虛圭京城口椒丘近豫章見華歆傳疆場音識之志

吳載記三隄劫質音竿融音自覆夫救切徐聞合浦胡悔切又雄長上帶鞬居言切載弓矢器燕湖丹陽宣城

丹陽涇山越越人之山居者寧識音神亭慈前與策圖把腕烏貫艾豫章縣吳公子慶忌所居西安豫章縣見樓夢扶雲切復當歸藥名吳

載記四有衰倉圭殺色介袒免上音坦將校下教切飲羣臣上于禰衡字正平後婁上虞並會稽縣鄉服音向權酤障管之

利王莽設六管之令謂沽酒賣鹽鐵器鑄錢名山大澤此謂六管即權酤障管之利爲身爲國于僞妻以上去丁諳音胥雲陽故曲阿伯言陸遜折頰音曷猿狄音又白

陽丹陽佃皖口音輔車尺加切詩疏輔牙外之皮膚頰下之別名也易咸其輔頰舌明輔近頰而非頰也蓋輔頰下之別名車所以載牙輔爲外表頰爲內骨二者相爲表裏故曰相依爾雅輔頰也車所以載大齒韓愈云左車第二牙無故

動搖脫去以內船音復難之者難去東關即東興堤新城魏人所築潯陽廬江縣儋耳海南吳載記五隳止日隱几上去食隳上去

聲海鹽吳縣呂岱傳摘抉一決踟躕上具玉切負殿典見要其平顧豫章諸葛使君步丞相嚴衛尉張奮威

豫章謂邵使君謂瑾丞相謂衛尉謂峻奮威謂承也恂恂然周昭引魯語紘建計宜都秣陵即建柎榴柎木多癭瘤其文委曲可愛人或取以爲枕今轉呼癭爲榴一曰古杉木根盤錯有文俗呼爲



花闕苦鑑切。半洲甘寧潘璋屯兵於此。珩吁羽切。纛闌曳切。門下循行賤職游微之風。黃龍大牙旗也。吳載記六。橫江當利在江北孫策征劉繇濟于橫江大破之於牛渚。

即采石磯。周瑜從攻橫江當利。乃東渡擊秣陵。則知在江北。湖熟丹陽縣。江乘丹陽縣。居巢廬江縣。春穀丹陽縣。尋陽廬江縣本作。巴丘廬江縣。郢南郡縣。送質音。宮

亭。續漢郡國志。尋陽南有九江。東合為大江。注云。慧遠廬山記曰。山在尋陽南濱宮亭湖北對小江。又曰廬山南嶺臨宮亭湖。蓋在尋陽。尋陽隸廬江郡。郡跨江之南北。尋陽在今江南。周瑜備宮亭江夏太守黃祖遣鄧龍入柴桑。瑜追討。虜龍于柴桑。豫章縣。豫章與尋陽

接壤。按今宮亭與彭蠡。并力音併。蒙衝戰船名。艘掃高切。紿徒改切。舸堪我切。漲天張去聲。創甚上初康切。下雋。漢昌。劉陽。州陵雋字遠切。劉或從水下雋。

劉陽。漢昌。並長沙。京即京縣。陵南郡縣。折。馭女六切。奮威張承。蹴操上此六切。道於巴丘蓋巴陵。非廬陵之巴丘。醇醪廬刀切。蔣幹字子翼。游說音稅。下說客同。夔曠后。

師。鄺叟食其。兩困區軫切。卒除上七忽切。勦除上子小切。愕眙丑吏切。直視也。益陽長沙縣。行陳戶郎切。賒貲音世。又音。贖貨也。行滕音滕。膝下所衣也。廣德丹陽縣。

枹鼓音孚。所擊鼓。夾石皖城北境。章鄉近麥城。開拓音托。文表秦松字文表。吳載記七。令支上郎定切。一音零。下巨思切。石城丹陽縣。巴。澧即天門郡之臨澧。澧陽。練。

音縹。並沼切。又。祖長子射音亦。見後漢書。禰衡傳。洞口即洞浦。在九江。今江北。薄落即孫權黃武三年所築疑城。自石頭至江乘。立木為之。衣以葦席。加采飾焉。一夕而成。魏人望見遂還。下蔡故沛縣前。

志注。故州來國。為楚所滅。左傳成七年。吳入州來。夫差遷昭侯于此。吳亡復為楚滅。宜春豫章縣。岑未詳。枿閭上必平切。樓也。大紕息列切。度權上徒學切。餘杭吳屬者。之欲當口。當陽水入大江。

處。盛祖及。上音陽新。下雉。並江白削。白挺也。建昌。豫章縣。仰取。上去聲。涂塘。在東關。高亭。在壽春。吳載記八山陰。會稽縣。分丹陽爲

臨川郡。非豫章之臨川。亂行。戶郎切。見兵。上去聲。識臣。音志。湖熟。吳縣。陵陽。丹陽縣。勇里。在會稽句章。句踐欲遷吳王于勇東。即其地也。勇一作甬。章昭曰。縣東洲。刻斯從。其姓名也。

太末。太音闔。會稽縣。左傳曰。姑蔑。臨水。吳縣。建安十六年。孫權分餘杭置。晉改曰臨安。白楮。白項切。奢綺。奢靡也。絳襜。赤占切。安樂。未詳。保質。音志。剡切。音開。吳載記九都

南郡。般。于姦切。趣。音促。衛於。與旌同。大公平。即大中。浦圻。江夏縣。六安。廬江縣。鮪。音防。寧國。丹陽縣。晉置宣城郡。隸宣城。狙誘。上趨句切。童齒。音覲。永興。會稽縣。

君慕承宮。事見後漢書。酉陽。武陵縣。趣嚴。千六切。遷陵。武陵縣。魁帥。士季切。屈筮。必益切。不能行。幾復。音冀。車重。輜車之重。譎。音決。吳載記十祖紆。字

盤。父駿。字季功。海昌。陸氏祠堂象贊曰。海昌今鹽官縣。利浦。丹陽縣。費棧。上扶味切。下屏限切。劉廙。音益。又音異。見衆。音見。葑荳。未詳。疑二物。逸式。音六。謝淵。謝宏。會稽典錄。

淵字休德。少有德操。本亦有才辯知術。暨黠。欺冀切。又音冀。吳王夫既之後。以既爲氏。今作几一。樂鄉。在南陽冠軍。比晉。上音備。大堰。音宴。洵懼。許拱切。一音凶。入

占。之劍切。諸暨。音既。會稽縣。巴丘督。巴陵。吳載記十一上平輿。音預。汝南縣。子綱。張紘字。延陵。謂吳季札。疏直。上平聲。荀謂。爽之別名。唯唯。音偉。汜。音泛。

鼻。音丙。倜儻。上音滌。廝吏。音斯。養馬者。章昭曰。廝養也。析薪爲廝。炊爨爲養。俗作入聲。韋昭。陳壽避司馬昭諱。故作曜。而張昭周昭之徒。又曷爲不改。漸漬。漸平聲。下去聲。不墮。許規切。杯。音平。博局。遠矣。

去聲。參訂。丁正切。茶苑。音舛。茶之晚取者。以當酒。當去聲。罽。胡卦切。輦。音與。覈。音核。正王。于況切。僣。與愆同義。綆。縲。縲。音縲。屑。楊竺。音築。藉草。七夜切。比曉。音備。吳

載記十一。下餘閒。音言。音行。音轢。音洛。又音歷。車棧也。父。音殊。音啗。從鑿切。摩陂。在潁川郟縣。後改龍陂。禮遺。于爲切。琅琊王。孫休爲君。音潤。檠戟。音啓。釣臺汧。

音泔。舵工。徒賀切。樊口。樊水自此入江。使事。去聲。覆護。孚佑切。

續後漢書音義第四

魏載記一阿瞞阿俗呼作遏發聲也下謨官切蒜音算蠡吾侯音禮故涿東京隸中山國說冀式季切縱橫並去聲費亭音祕在沛國鄆縣非費國之費大長秋主宮禁官或用士人爲之

種嵩音蟲音藁任俠音亦濟南上去聲滎陽河南縣汴水在滎陽西南傅陽彭城縣春秋時偃陽子國楚滅宋即傅陽取慮音秋闔下邳縣睢陵下邳縣夏丘沛縣鄆城音絹濟陰

范東阿並東郡縣隊馬上除季切東緡音民山陽縣春秋僖二十三年齊伐宋圍緡即此宛舞陰穰並南陽縣其質音贊睦固上許圭切又息圭切犬城河南野王縣有射犬聚左悺

徐璜悺爲小黃門璜爲中常侍悺本作意工算切憂也又音管饕餮上土高切下日結切貪財曰饕貪食曰餮嫖狡鋒協上匹妙切嫖劫狡狎鋒協謂性害物與兵刃相合故曰鋒協莫府幙同愚桃杜彫切補

輯音集秦師一克之報謂敕孟明而收其後效三臺中臺外臺憲臺五宗上自高祖下至玄孫由已數之上下皆五三族父族母族妻族楊彪後漢書有傳睚眦上五戒切下紫戒切榜楚

上比孟切榜沛縣校官學官也中山國名鄴魏縣安平冀州國名平虜渠名泉州二渠平虜渠自呼沱河入派河泉州渠自洵河入潞河皆通海泉州漢陽縣續漢郡國志雁門鹵城故隸代郡山海經云

秦戲之山無草木多金玉呼沱水出焉魏志建安十一年操鑿渠自呼沱河入派河洵音鈞盧龍北平郡北境有北平盧龍塞北平後改平州盧龍後改滌如柳城遼西縣渦肥水上烏禾切渦水入淮肥水即合肥也更事上平

聲。逆及切。恐不任。音俛仰。上一。朝請。音倭。汝甚切。置名號侯。至五大夫。與舊列侯。關內侯。凡六等。以賞軍功。魏書

云。置名號侯爵十八級。關中侯爵十七級。皆金印紫綬。又置關外侯爵十六級。銅印龜鈕墨綬。五大夫十五級。銅印環鈕亦墨綬。皆不食租。與舊列侯。關內侯。凡六等。裴松之以爲今之虛封。自此始。既得隴。復望蜀。操自度力不能得蜀。故爲虛辭。

以示謙抑。與後。題而徇。所以。銖質。音孚。質與鑽。富埒。音劣。婁與亟。婁讀作屢。亟。音赴。倡。倡優。其官人官。不得過諸署。難助之令同。示衆。同音義。礎也。欺冀切。數也。顛也。之倡。

不自以其祖由宦寺篡。十月辛未。陳壽作十一月庚午受禪。碑作十月辛未。歐陽公云。當以碑爲正。見集古錄。受禪碑跋。裴松之引獻帝傳曰。辛未。魏王登壇受禪。又引桓階等奏。太史令。擇今月二十九日。登壇受命。陳壽魏國因懲其禍。故爲此制。

志云。黃初元年十一月癸酉。則知辛未爲十月二十九日。魏志十月癸卯下令。丙午至曲盡。漢帝遣張音禪位。庚午受禪。十一月癸酉。以山陽奉漢帝。癸酉去癸卯三十一日。豈一月而三十一日。其誤明矣。僭卽尊位於繁陽。潁川郡潁陰縣有繁

陽亭。先是曹丕使其黨逼獻帝。禪位於己。因南至潁陰。陽不與知。張音等奉璽綬于丕。丕篡位於此。以其地爲繁昌縣。北征記曰。地在許之南七十里有臺七丈方五十步。臺南有壇高二丈方三十步。卽篡位處。殺其妻甄氏。音足。攣。力全切。

強起。其兩。帑藏。徒黨切。內之掖庭。音納。毋丘。音無。不勝。音升。金墉城。在洛陽。魏載記二。情人。上土。壺關。上黨。臨潁。潁川。丁謚。音蜜。

興平路險。在漢中。要爽。音腰。崖柴。並去聲。作疽囊。甚言其毒。皇遽。倉皇。急迫。枹罕。上音孚。品度。徒學。滋長。張兩。大較。猶言大概。高陽許允。故

縣。應劭曰。在高河之陽。東京隸河間國。下文言與清。魏載記三。緄。古本。朗陵。汝南。傅公明。不娶宦者之女。其賢可知。爲守宮令。漢官制。守宮令一人。

秩六百石丞一人二百石主御紙筆墨及尙書財用諸物及  
封泥桓帝永壽中以小黃門爲守宮令或宦者堵故得之  
亢父任城縣奮武司馬操爲奮武將軍故以或爲司馬搯其喉音厄捉也情見音現宛葉音南竝

陽下邳京兆縣穰人羊切郗慮音癡壞戶音怪自毀曰徒跣徒謂徒步跣謂梟獍其行上音驕下音鏡梟惡鳥先食父仰食上去聲

陳宮字公臺白馬東郡縣黎陽魏縣延津郡國志注陳留酸棗縣北有延津操與袁紹韓莫音荀南皮渤海縣屬之欲切壽張故東郡壽良縣世祖避叔

父諱改倉亭津兗州之境近范東阿濮陽東郡縣古罷憊音皮敗內地獄音納精湖廣陵北境魏載記四韓斌音彬平陽河東縣應劭曰堯都也在平河之陽必

易吾軍音異毓音育大官主飲食蕭贊令竝沛縣贊當作鄧鄘二字竝才何切一音贊非南陽蕭何所封之邑也景附上衣請切宏演之義劉向新序齊威公求昏于衛衛公不許衛爲狄所滅威公不救

懿公死屍爲狄人所食惟有肝其臣宏演適使它國反致命于肝曰君爲其內臣爲其外乃剝腹內肝而死威公聞之曰衛有臣如此寡人無有乃救衛而定其國曲周鉅鹿縣後隸魏郡西部與山陽共之曹不廢獻帝爲山陽公合

盞音謹瓢也同牢合四聰八達陳志作四窗通鑑作四聰對八達而言當作四聰若比八廚之類則作四窗時諸葛誕鄧颺等更相標目以夏侯玄等四人屬四聰誕等八人爲八達新論曰明堂八聰四達八聰法八風四達法四時

此言四聰亦惇牛音字牝牛樓樓音樓又龍朱切謹恪之貌陽平故東郡縣升爲郡蕭相竝沛縣洿下音烏比年上去聲長子音長短之魏載記五鵜鴒音上

啼曹不黃初四年鵜鴒集于靈芝池不援并從容之官上音併從此恭切謂職事節略從容而已周生烈裴松之曰周生姓烈其名也蹶然音蹶適音適安成汝南縣

邯鄲音闋亡巾切又音民與闋同音義宏農湖縣有闋鄉鄔長上一古切一期音京密並河安陵扶風堂陽故鉅鹿縣魏載記六露板猶言虬

鬚音求羸服羸敗馮几上皮的切遺玠上去聲廷尉主刑獄之官貫音世頓丘東郡比居上皮的義切東莞音官繁夥胡果切胡牀今繩牀也魁梧音悟

官練練帛也魏載記七榜北山傍去聲徐無山北平縣徐無山蓋徐無縣之山也要束要約也蓆正留切白檀漁陽縣鄉導音向平岡白狼並北平縣前志

岡作剛高密北海縣攝枝叶切膠東濟南縣饑之上音叶餉耕曰饑南和鉅鹿縣牽車上音本車上簞也小槐里扶風有槐里小槐里蓋其近地半裛與袖音義同即今半

臂數之上色主切顯甫顯思譚尙字北邙洛陽山魏載記八絳邑河東縣郭援袁氏將與援要約也土窖音教皮氏河東縣間行間道而行小弋

陽汝南有弋陽小弋陽其近地東關即東興項汝南縣并軍上平聲五將山在淮沔之間晉載記苻堅兵敗奔五將山按堅都長安倉卒安得至淮沔漢書地里志左馮翊谷縣有五狀山堅所奔當是五狀非五將

也夾石皖之北境侮易音異瞧類齊要切西平郡名隸涼州與酒泉天水接壤推下上吐回切佞人之枕讀從上聲上枕則膝作去聲讀肘涉酒切不為卿為子偽切燉煌上吐

昆切槎桎上則加切斜復音伏新豐京兆縣三輔秦都咸陽置內史治京師漢分為三輔京兆尹左馮翊右扶風焉皇皇衣堅切許攸非叛袁紹歸曹操者鼯鼠上音奚莛撞上音

廷莖也下倉曹屬理曹掾續漢百官志東西曹掾比四百石餘掾比三百石屬比二百石令史百石漢書音義曰正曰掾副曰屬以為亡逃亡之亡州府州謂刺史府謂郡府嫗子怒切任子任猶



言保任謂以子爲質

關中侯曹操增置以賞戰士

南鄭爲天獄斜谷爲石穴謂深險之甚

傅合上音附

撓節女教切

魏載記九卒與虜遇上七忽切

長社

潯山音潛廬江縣潯山蓋潯縣之山

登天山即潯中之天柱山

勿得與戰與去聲

比救比去聲

乘氏濟陰縣

鄭音莫

陽陵陂近襄陽

狽音完

祿福酒泉縣

破

羌金城縣倚居倚切

解儁上音蟹

欲質音贊

食祿卿謂致仕而猶食祿

並田如字一音普尙切

蘭坑渭上地名

見形賢遍切

陽遂渭南西境

切齒憤惋不意

令狐音零

百尺近壽春

爲厲禍崇也

迭比更切

郭伯益名奕之子

徐偉長名幹

劉公幹名楨

任昭先名嘏

施舍上去聲

新野南陽縣故新都王莽所封

置夷陵縣

此僞置也

艾從陰平道

從陰平郡旁入行七百里始至江油非廣漢之陰平

悖音衛

衛瓘字伯玉後仕晉晉書有傳